



831691

光緒

光緒丁酉  
仲夏  
鑊于京師

現存鐵門廣信者館如  
有同志借歸不取板資



欽定四庫全書總目卷九十八

子部

儒家類存目四

女學六卷

福建巡撫採進本

國朝藍鼎元編鼎元以周禮天官有九嬪掌婦學之灋謂婦人不可不學然自班氏女誡以外若劉向列女傳擇而不精鄭氏女孝經精而不詳至女訓女史閨範女範等書尤爲鄙陋淺率因採經傳格言參摭史傳分爲德言容功四篇章區類別開綴論斷其體例皆本之朱子小學

女學提要

一

女學六卷

鼎元撰

欽定四庫全書總目卷九十八

序

乾坤生人男女分其半男治外女治內人倫之首風化之原但教男而不教女亦未爲知類者矣顧女學自古無專書鉤金碎玉熒火蹄涔散見錯出無有克集其成陶鑄之洪爐大冶之中是以擇焉弗精語焉弗詳書雖傳而不顯於世子嘗怪齊家爲治平首務而女學未經聖賢之制作上下數千有餘年獨留缺畧以至於今謂非造物者之將有待與漳浦藍生玉霖子歲試所得士也少孤赤貧慨然以世道人心爲己任子固已奇之延禮後車校閱全閩者

女學序

一

三載稔得其所蘊負以爲生他日得志直巍然乾坤柱礎非泛泛功名中人也年來名譽日盛而貧困有加予方念生久躡棘圍不得蚤見之行事欲脩數行問訊忽有自閩至者持生書及所著女學就正於予予讀之狂喜絕叫曰在斯乎在斯乎是編纂組古訓大致與小學相近而獨運機杼慘澹經營筋脉流通論斷明晰較小學更爲心苦然則撥羸見天高燭照夜補宇宙之憾缺扶倫教之頽頹舍是編奚屬哉或曰生曷爲不自作而取諸古也曰作不過標新立異成經生一家言孰與夫貫穿經史諸子百

家。挾古今有裨閨閣之處而獵其菁華使讀是編者德音容功無一不全脩身事親待人接物悉本聖賢之矩矱則謂女子讀此一書如經史諸子百家無不畢讀可也昔人所謂其事雖述而功則倍於作子將持此以贈生爲世道人心一大幸云康熙戊戌上元日浙西友人沈涵心齋序自序

天下之治在風俗。風俗之正在齊家。齊家之道當自婦人始。昔周盛時。淑女流徽。化行江漢。降及鄭衛。帷薄不脩。禍延家國。閨門風化之原。自開闢以迄於今。不可易也。婦人

女學序

二

善惡不同。性習各異。比而齊之。宜莫如學。古者男女皆有學。周禮九嬪掌婦學之灋。以教九御。婦德。婦言。婦容。婦功。各帥其屬。而以時御敘于王所。今其書不傳。其詳不可得聞矣。秦漢以來。惟班氏女誡最爲親切。而章句無多。學者少之。劉向列女傳。擇焉而不精。鄭氏女孝經。語焉而不詳。若華論語。便初學矣。其辭俚。無風雅之致。女訓女史。閨範女範之類。補苴雜出。難以枚述。大約簡不能該。繁不能盡。鄙陋淺率。難登經史之堂。欲擇其一。以爲女學專書。管窺蠡測。未見其可。夫女子之學。與丈夫不同。丈夫一生皆爲

學之日。故能出入經史。淹貫百家。女子入學。不過十年。則將任人家事。百務交責。非得專經。未易殫究。學不博。則罔有獲。泛濫失歸。取裁爲難。女學一書。惡可少哉。百家眾技。各有專師。化原之地。當若何訓迪防範。乃旣不幸。不經聖人之述作。以附四子六藝之末。又不幸不得程朱諸儒。講明采輯。匯諸家之長。而進退之。與近思小學。流布人間。徒使深閨令淑。若瞽之無相。俛俛乎其何之。此亦古今一大缺憾也。鼎元少孤。父書未讀。窮愁困頓。蠖屈蓬蒿之間。每於人心風俗。三致意焉。竊不自揆。采輯經史諸子百家。及

女學序

三

列女傳女誠諸書。依周禮婦學之瀆。開章總括其要。後以婦德婦言婦容婦功。分爲四篇。又於四篇中。分章別類。使讀者一見瞭然。隨事矜式。婦以德爲主。故述婦德獨詳。先之以事夫事舅姑。繼以和叔妹。睦娣姒。在家則有。事父母。事兄嫂。爲嫡則有。去妬處約。則有。安貧富貴。則有。恭儉。可常可變。則有。若敬身。若重義。若守節。若復仇。爲人母。則有。教子爲人繼母。則有。慈愛前子。爲人上。則有。待下。巫祝尼媪之宜絕。則有。若脩正闕邪。而以其餘者爲通論。此則婦德一篇之大概也。婦言不貴多。要於當。則有。若勗夫。若訓

子若幾諫。若守禮。若賢智。若免禍。婦容貴端莊靜。一婉婉。因時。則有若事親之容。敬夫之容。起居。姓子居喪。避亂之容。婦功。先蠶績。次中饋。爲奉養。爲祭祀。各執其勞。而終之以學問。各以其餘者爲通論。此則婦言。婦容。婦功。三篇之大概也。識學粗疏。見聞寡陋。姑就其昭彰耳目者。編次以便初學。其近代百十年間。貞節義烈。筆不勝書。皆未暇載。入懼繁也。他若詩媛才女。咏物寫情。雖極工巧。無關名教。概置不錄。防微杜漸。亦具有苦心焉。或義例未符。考據未確。僭越之罪。知無所逃。然於閨門之道。庶幾畧備。或可以

女學序

四

九  
少補風化。是亦世道人心所不可闕者也。程子曰。天下之家。正則天下治矣。願天下人各正其家。以默贊

元玉  
詩。拜手稽首而揚其盛云。康熙壬辰重九日閩漳浦藍鼎元玉霖題

女學卷一

漳浦藍鼎元玉霖編



女學總要

○女子之學一曰婦德二曰婦言三曰婦容四曰婦功周禮春官九嬪婦學之灋

禮春官九嬪婦學之灋

○孔子曰婦人伏於人也是故無專制之義有三從之道

在家從父適人從夫夫死從子無所敢自遂也節婦有七

去不順父母去無子去淫去妬去有惡疾去多言去竊盜

去兩節均見大戴禮記本命篇

女學卷一

○禮曰古者婦人先嫁三月祖廟未毀教於公宮祖廟既

毀教於宗室教以婦德婦言婦容婦功教成祭之牲用魚

芼之以蘋藻所以成婦順也節芼音冒禮記昏義男子親迎男先

於女剛柔之義也天先乎地君先乎臣其義一也執摯以

相見敬章別也男女有別然後父子親父子親然後義生

義生然後禮作禮作然後萬物安無別無義禽獸之道也

迎去聲摯與贊同禮記郊特牲

○班氏女誡曰古者生女三日臥之牀下弄之瓦磚而齋

告焉臥之牀下明其卑弱主下人也弄之瓦磚明其習勞



主執勤也。齋告先君。明當主繼祭祀也。三者蓋女人之常道。禮法之典教。謙讓恭敬。先人後己。有善莫名。有惡莫辭。忍辱含垢。常若畏懼。晚寢早作。勿憚夙夜。執務理事。不辭劇易。所作必成。手迹整理。正色端操。以事夫主。潔齊酒食。以供祭祀。若此苟備。而患名稱之不聞。黜辱之在身。未之有也。節。傳音。專易音異。夫婦之道。參配陰陽。通達神明。夫不賢。則無以御婦。婦不賢。則無以事夫。陰陽殊性。男女異行。陽以剛爲德。陰以柔爲用。男以強爲貴。女以弱爲美。鄙諺曰。生男如狼。猶恐其涎。生女如鼠。猶恐其虎。然則修身莫若敬。避強莫若順。故曰。敬順之道。婦之大禮也。行去聲。涎音汪。後漢書列女傳。扶風曹世叔妻同郡班彪之女也。名昭。字惠班。一名姬。博學高才有節。行法度。作女誡七篇。扶風今陝西西安府境。

女學卷一

二

○程氏女典曰。丈夫百行。以功補過。婦人四教。以備爲成。是以禮有公宮宗室之教。詩有牖下蘋藻之奠。然後家道諧允。儀則表見於內。若夫麗色妖容。高才美辭。貌足傾城。言足亂國。此乃蘭形棘心。玉曜瓦質。在邦必危。在家必亡。行去聲。○魏程曉著。曉字季明。昱之孫。官汝南太守。三國志附昱傳。文載。欽定淵鑑類函。人部卷十。女類。○易曰。家人。利女貞。象曰。家人。女正位乎內。男正位乎外。

男女正天地之大義也。家人有嚴君焉。父母之謂也。父子兄弟。夫夫婦婦。而家道正。正家而天下定矣。豕

玩切。易家人卦。

右第一篇統論女學之要。全書之綱領也。其下四

篇皆引古人之嘉言善行。以終此篇之義。行去聲。

婦德篇上

○班氏曰。婦德不必才。明絕異也。清閒貞靜。守節整齊。行已有恥。動靜有法。是謂婦德。凡稱引班氏大抵皆女誡中文也。

右第一章承上篇婦德而立言也。以下百二十章。

女學卷一

三

雜引古人之言行以明之。行去聲。

○儀禮曰。婦人以順從為務。貞懋為首。故事。夫有五。平旦纒笄而朝。則有君臣之嚴。沃盥饋食。則有父子之敬。報反而行。則有兄弟之道。規過成德。則有朋友之義。惟寢席之交。而後有夫婦之情。懋音恪。纒音徒。朝音潮。盥音管。按儀禮無此文。孔穎達毛詩正義齊風雞鳴引平旦二句作列女傳魯師氏母戒女之言。今劉書此傳已佚。公羊莊公二十四年何休注語意亦同。唐鄭氏女孝經假曹大家以立言。全載此文。惟末數句小異。蓋本古經傳語也。附識俟考。

右第二章事夫之德也。婦以夫為天所仰望而終身者。好合則如鼓瑟琴。庭闈和樂。家道昌焉。夫婦

反目人倫之變。衽席化爲戈矛。禍患無所底止。故  
事夫不可不學也。然則如之何而可。曰敬順無違。  
以盡婦道。甘苦同之。死生以之。述事夫之德。自此

以下凡十章。

好去聲 樂音洛

○孟子曰。女子之嫁也。母命之。往送之門。戒之曰。往之女  
家。必敬必戒。無違夫子。以順爲正者。妾婦之道也。節。女  
音汝。家語曰。女子者。順男子之教。而長其理者也。是故無專  
制之義。而有三從之道。長上聲。家語本命解。

右第三章

女學卷一

○班氏曰。夫有再娶之義。婦無二適之文。故曰夫者天也。  
天固不可逃。夫固不可離也。行違神祇。天則罰之。禮義有  
愆。夫則薄之。故女憲曰。得意一人。是謂永畢。失意一人。是  
謂永訖。由斯言之。夫不可不求其心也。節。行去聲。夫婦之好  
終身不離。房室周旋。易生媿黷。媿黷既生。語言過矣。語言  
既過。縱恣必作。縱恣既作。則侮夫之心生矣。夫事有曲直。  
言有是非。直者不能不爭。曲者不能不訟。訟爭既施。則有  
忿怒之事矣。侮夫不節。讒呵從之。忿怒不止。楚撻從之。夫  
爲夫婦者。義以和親。恩以好合。楚撻既行。何義之存。讒呵

既宣何恩之有。恩義俱廢。夫婦離矣。此皆由於不知敬順也。易音異。媾音屑。夫事夫爲之。夫俱音扶。好去聲。

右第四章

○易曰。夫婦之道。不可以不久也。故受之以恆。節。序卦傳詩。曰。習習谷風。以陰以雨。黽勉同心。不宜有怒。采芣采菲。無以下體。德音莫違。及爾同死。菲音斐。詩邶風。

右第五章

○娥皇女英。虞舜之二妃。帝堯二女也。舜在側微。四岳薦之。堯乃妻以二女。以觀厥內。二女事舜於畎畝之中。不以

女學卷一

五

天子之女。故而驕盈。猶謙謙恭儉。思盡婦道。舜既嗣位。爲天子。天下稱二妃聰明貞仁焉。後陟方崩于蒼梧。二妃哭死江湘之間。俗謂之湘君。妻去聲。劉向列女傳。四岳堯臣。蒼梧山名。亦曰九疑。在今湖南。永州府寧遠縣。東南有帝舜陵。

右第六章

○周文王生有聖德。又得聖女妲氏。以爲之配。宮中之人。於其始至。見其有幽閒貞靜之德。歌關雎以美之。其詞曰。關關雎鳩。在河之洲。窈窕淑女。君子好逑。次章曰。參差荇菜。左右流之。窈窕淑女。寤寐求之。求之不得。寤寐思服。悠

哉悠哉。輾轉反側。三章曰：參差荇菜，左右采之。窈窕淑女，

琴瑟友之。參差荇菜，左右芣之。窈窕淑女，鐘鼓樂之。節音

帽樂音浴。詩周南國風首篇。太妣禹後有莘氏之女。南國諸侯被文王之化，能正

心修身以齊其家。其女子亦被后妃之化，而有專靜純一

之德。故嫁於諸侯，而其家人歌鵲巢以美之。其詞曰：維鵲

有巢，維鳩居之。之子于歸，百兩御之。次章曰：維鵲有巢，維

鳩方之。之子于歸，百兩將之。三章曰：維鵲有巢，維鳩盈之。

之子于歸，百兩成之。兩俱音亮御音迓。詩召南國風首篇。

右第七章

女學卷一

○春秋魯莊公十一年冬，王姬歸于齊。胡氏傳曰：陽倡而

陰和，夫先而婦從，天理也。雖以王姬之貴，其當執婦道，與

公侯大夫士庶人之女，何以異哉？故舜為匹夫，妻帝二女，

而其書曰：嬪于虞。西周王姬嫁於諸侯，亦執婦道，成肅離

之德。其詩曰：何彼穠矣。唐棣之華，曷不肅離。王姬之車，言

王姬下嫁於諸侯，車服之盛如此，而不敢挾貴以驕其夫

家，故見其車者，知其能敬且和，以執婦道。於是作詩以美

之。傳去聲。陰和之，和去聲。春秋胡傳并見朱子詩傳。胡氏名安國，字康侯，宋儒。

右第八章

○漢鮑宣妻桓氏字少君宣嘗就少君父學父奇其清苦故以女妻之裝送資賄甚盛宣不悅謂妻曰少君生富驕習美飾而吾實貧賤不敢當禮妻曰大人以先生修德守約故使賤妾侍執巾櫛既奉承君子惟命是從宣笑曰能如是是吾志也妻乃悉歸服飾侍御更著短衣裳與宣共挽鹿車歸鄉里拜姑禮畢提甕出汲修行婦道鄉邦稱之節○少俱去聲女妻之妻去聲賄呼畏切著音酌○後漢書鮑宣字子都渤海高城人哀帝時官司隸後以忠直爲王莽所殺高城今直隸天津府鹽山縣扶風梁鴻字伯鸞勢家慕其高節多欲擇爲壻鴻並不就同縣孟氏有女名光肥醜而黑力能

女學卷一

七

舉石臼擇對不嫁鴻聞而娶之始以裝飾入門七日而鴻不答光跪牀下請罪鴻曰吾欲裘褐之人可與俱隱深山者今衣綺羅傅粉黛豈鴻所願哉光曰以觀夫子之志耳乃更爲椎髻著布衣操作而前鴻大喜曰此真梁鴻妻也字之曰德耀共入霸陵山中以耕織爲業○節○衣綺羅之椎直追切髻古器切○後漢書本傳鴻平陵人肅宗聞其賢求之不得後卒於吳平陵今陝西西安府咸陽縣袁隗妻馬融女也融家世豐厚裝遣甚盛初成禮隗問曰婦奉箕帚而已何乃過珍麗乎對曰慈親垂愛不敢逆命君若欲慕鮑宣梁鴻之高妾亦請從少君孟光之事矣○隗五委切

已音以。○後漢書列女傳。靈帝時。爲太傅汝南汝陽人。馬融字季長。扶風茂陵人。汝陽縣今屬河南汝寧府。茂陵今陝西西安。府興平縣界。論曰。此所謂無違夫子甘苦同之者也。糶資之盛。婦女所戀。尙且承順夫志。割愛以成其美。則其無往而不敬順可知也。世教下衰。婚娶論財。女子將嫁。或於母家需索無厭。必求資裝豐備。寡廉鮮恥。恬不知羞。男子猥陋性成。不立志節。娶婦入門。厭憎奩薄。此皆不肖之尤。壞風俗之甚者也。讀此章。能無赧然愧哉。無厭之厭平聲。奩音廉。

右第九章

○漢元帝幸虎圈鬪獸。忽有熊逸出。攀檻欲上。宮人皆避。

女學卷一

匿馮昭儀。挺然直前。當熊而立。及左右格殺熊。帝問昭儀。何獨不懼。對曰。夫猛獸得人而止。妾恐犯御座。故身當之。帝以此倍加敬重焉。夫音扶。○前漢書昭儀平帝祖母也。右將軍奉世女。初入宮爲婕妤。

右第十章

○宋建炎間。滁州丁國賓爲盜所掠。將烹之。妻泣曰。夫族亡且盡。獨夫存。請以妾代。賊遂烹妻而釋其夫。節。宋史時盜聚滁。州翼家。城掠人爲糧。建炎宋高宗年號。滁州今屬安徽省。元至正二十年。房山縣大饑。兵乏食。執李仲義欲烹之。仲義妻劉氏聞之。遽往。涕泣伏地告曰。所執者吾天也。乞矜憐之。貸其生。吾家有醬一甕。

米一斗五升。窖於地中。可掘取之。以代吾夫。兵不從。劉氏曰。吾夫瘦小。不可食。吾聞婦人肥黑者。味美。吾肥且黑。願就烹。以代夫死。兵遂釋其夫。而烹劉。聞者莫不哀之。窖音教。

元史劉氏字翠哥。至正元順帝年。號房山縣。今屬直隸順天府。論曰。代烹之慘。從古未有。

也。然婦人以夫為天。苟可以全夫命。雖死不辭。此所謂正也。古有代夫服刑者。明楊繼盛妻張氏。上疏請斬首都市。

以代夫死。而不可得。王裕王佇沈東之妻。請代夫死。皆蒙

寬宥。忠烈之婦。蓋亦有不幸焉。雖遭際不同。其揆一

也。明史楊繼盛號椒山。容城人。世宗嘉靖三十二年。以兵部員外郎劾賊臣嚴嵩。棄市。穆宗即位。贈太常卿諡。

女學卷一

忠愍沈東字宗安。會稽人。嘉靖中以言事錮獄。妻張氏上書願代夫繫獄。令夫得送。父終年束在獄。十八年後得赦。還家。王裕禮部侍郎。王英子金谿人。英宗正統十二年官按察副使。坐事下獄。見英本傳。歛江氏列女傳。裕妻九江周氏女。裕擬絛。周上書請代死。上哀其情。詞愴。楚赦裕罪。王佇未詳。容城縣今屬直隸保定府。九江府今屬江西省。會稽縣今屬浙江紹興府。

右第十一章。以上事夫之德。

○班氏曰。物有以恩自離者。亦有以義自破者。夫雖云愛。

舅姑。云非。此所謂以義自破者也。然則舅姑之心。奈何。固

莫尚於曲從矣。姑云不爾。而是固宜從。令姑云爾。而非。猶

宜順命。勿得違戾。是非爭分曲直。此則所謂曲從矣。故女



憲曰婦如影響焉不可賞

右第十二章夫之父謂之舅夫之母謂之姑為婦而不能事舅姑雖有才能不足稱也未世愚婦但知夫之為親而不知親夫之親承順弗講愛敬闕然甚至抱哺其子與公並偃婦姑不相悅則反昏而相稽漢俗之敝賈生所為太息也夫惟孝敬勿逆勿怠曲意承歡務盡乃職歷患難而不忘遇酷虐而無愠斯可謂賢婦矣述事舅姑之德自此以下凡九章夫惟之夫音扶難去聲

女學卷一

管子曰孝者子婦之高行也孝而不解則美名附行去聲解音懈齊大夫管仲字夷吾其書名管子此本形勢解第六十四文小異

右第十三章

內則曰子婦孝者敬者父母舅姑之命勿逆勿怠若飲食之雖不耆必嘗而待加之衣服雖不欲必服而待加之事人代之已雖不欲姑與之而姑使之而後復之音嗣耆音嗜子甚宜其妻父母不悅出子不宜其妻父母曰是善事我子行夫婦之禮焉沒身不衰音嗣耆子婦無私貨無私畜無私器不敢私假不敢私與音嗣耆婦或賜之飲食衣服布帛佩

悅。菑蘭則受而獻之舅姑。舅姑受之則喜如新受賜。若反賜之則辭不得命如更受賜。藏以待乏。婦若有私親兄弟將與之則必復請其故。賜而後與之。菑同芷。禮記第十二卷書卷八

右第十四章

○太姒者文王妃也。仁明有德。文王嘉之親迎于渭。造舟為梁。太姒事太姜太任。旦夕勤勞極盡婦道。詩曰思齊太任。文王之母思媚周姜。京室之婦太姒嗣徽音。則百斯男。迎去聲。任音王齊側皆切。劉向列女傳母儀傳太姜太王之妃太任王季之妃也。

右第十五章

女學卷一

○唐太宗以南平公主下嫁王敬直。敬直珪之子也。先是公主下嫁不以婦禮事舅姑。珪曰主上欽明動遵禮法。吾受公主拜謁豈為身榮。所以成國家之美耳。乃與其妻就席坐。令公主執笄行盥饋之禮。是後公主始行婦禮。節去

聲笄音煩。兩唐書王珪傳略同。

襄成公主適蕭瑀子銳。有司請營別第。

樹闕如制。主辭曰婦事舅姑如事父母。異宮則定省闕焉。

敢即安乎。太宗悅。命即瑀第門列戟表焉。節。新唐書公主傳舊書瑀傳

宣宗以萬壽公主適起居郎鄭顥。詔之曰先王制禮貴賤

共之。萬壽公主事舅姑宜從臣庶之法。顥胡老切。論曰此

皆天子之女也。婦事舅姑如事父母，不以貴賤異也。

右第十六章

○唐柳玘曰：崔山南昆弟子孫之盛，鄉族罕比。山南會祖王母長孫夫人，年高無齒，祖母唐夫人，事姑孝，每旦櫛繼笄拜於階下，卽升堂乳其姑。長孫夫人不粒食數年而康寧。一日疾病，長幼咸萃，宣言無以報新婦恩，願新婦有子。有孫皆得如新婦孝敬。則崔氏之門安得不昌大乎。玘蒲眠切

音緬長俱上聲。繼音從笄音雞。新唐書柳玘傳。玘公綽孫仲郢子，爲人清直，有父祖風。嘗述家訓以戒子孫。崔瑛字從律，博陵人。武宗會昌中，爲山南西道節度使，故稱山南博陵郡。今直隸定州。

文學卷一

三

右第十七章

○漢陳孝婦年十六而嫁，未有子。其夫嘗行戍，且行時屬孝婦曰：我生死未可知，幸有老母，無他兄弟，備養吾不還。汝肯養吾母乎？婦應曰：諾。夫果死，不還。婦養姑不衰，慈愛愈固，紡績織紵，以爲家業。終無嫁意。居喪三年，其父母哀其少無子而早寡也，將取嫁之。孝婦曰：夫去時屬妾以供養老母，妾旣許諾之，夫養人老母而不能卒，許人以諾而不能信，將何以立於世？欲自殺。其父母懼而不敢嫁也。遂使養其姑。二十八年，姑八十餘，以天年終，盡賣其田宅財。

物以葬之。終奉祭祀。淮陽太守以聞。使使者賜黃金四十斤。復之終身。無所與。號曰孝婦。戍去聲。屬俱音燭。養俱去聲。使去聲。與去聲。與去聲。文帝時人。淮陽今河南陳州府淮寧縣。

右第十八章

○唐鄭義宗妻盧氏。晷涉書史。事舅姑甚得婦道。嘗夜有強盜數十。持杖鼓譟。踰垣而入。家人悉奔竄。惟有姑自在室。盧冒白刃。往至姑側。為賊捶擊幾死。賊去後。家人問何獨不懼。盧氏曰。人所以異於禽獸者。以其有仁義也。鄰里有急。尚當赴救。况在於姑。而可委棄乎。若萬一危禍。豈宜

女學卷一

獨生。捶主藥切。舊唐書列女傳幽州范陽人。盧彥衡女。其姑每歎云。歲寒知松柏。吾乃今知盧新婦之心矣。范陽今順天府涿州。

右第十九章

○禮修者張氏女。後漢趙嵩妻也。姑酷惡無道。遇之不以禮。修終無愠色。及歸寧。父母問之。但引咎不道。姑卒感悟。更慈愛之。鄉人相訓曰。作婦不當如趙伯高婦乎。使惡姑知變。可謂婦師。也。常璩華陽國志。嵩字伯高。後漢南鄭人。絕於賢婦手中。南鄭縣今屬陝西漢中府。

右第二十章 以上事舅 姑之德

○班氏曰。婦人之得於夫。由舅姑之愛已也。舅姑之愛已。由叔妹之譽已也。由此言之。我臧否毀譽。一由叔妹。叔妹之心。復不可失也。皆莫知叔妹之不可失。而不能和之以求親。其蔽也哉。節。否音鄙。復扶又切。室人和則謗掩。外內離則惡揚。此必然之勢也。易曰。二人同心。其利斷金。同心之言。其臭如蘭。節。斷徒管切。夫嫂之與妹。體敵而分尊。恩疏而義親。若淑媛謙順之人。則能依義以篤好。崇恩以結援。使徽美顯彰。而瑕過隱塞。舅姑矜善。而夫主嘉美。聲譽耀於邑鄰。休光延於父母。若夫蠢愚之人。於嫂則托名以自高。於妹則

女學卷一

因寵以驕盈。驕盈既施。何和之有。恩義既乖。何譽之臻。是以美隱而過宣。姑忿而夫愠。毀譽布於中外。恥辱集於厥身。進增父母之羞。退益君子之累。斯乃榮辱之本。而顯否之基也。可不慎哉。夫嫂。夫蠢之。夫音扶。分去聲。好去聲。否音鄙。女誠和。叔妹原書卑弱。第一夫婦第二敬順。第三婦行。第四專心。第五曲從。第六和叔妹。第七今所引多錯綜成交。故不悉注。

右第二十一章。夫之弟妹。俗所謂小叔小姑也。姑

叔之間。易啓猜嫌。待之不得其道。則上失舅姑歡心。傷吾夫孝友之志。非賢婦也。和氣致祥。門內之福。令聞亦由此彰焉。述和叔妹之德。自此以下凡

二章 易音異 聞去聲

○永嘉何氏王木叔之妻也。初歸王家甚貧。何氏佐以勤儉。家用遂饒。一日語夫曰。子可出仕。奈弟妹貧寒。何。囊中餘資久蓄。奚益。請以分之。夫喜曰。是吾志也。曰。盡散。簪珥不遺。木叔既仕。又曰。弟妹尚困。有田如許。何不畀之。夫喜曰。此尤吾志也。遂以田與弟妹。一郡稱爲賢婦。○明呂新吾先生所著閩範亦載此文。未詳所本。永嘉今屬浙江温州府。

右第二十二章 以上和叔妹之德

○宋柳開曰。皇考治家孝且嚴。旦望弟婦等拜堂下。畢。卽

女學卷一

五

上手低面。聽我皇考訓誡曰。人家兄弟無不義者。盡因娶婦入門。異姓相聚。爭長競短。漸漬日聞。偏愛私藏。以致背戾分門。割戶。患若賊讐。皆汝婦人所作。男子剛腸者。幾人能不爲婦人言所惑。吾見多矣。若等寧有是耶。退則惴惴不敢出一語爲不孝事。閑輩抵此賴之得全其家云。幾上開字仲塗。大名人大祖。開寶六年進士官。終滄州刺史。作家戒千餘言。父承翰官監察御史。見宋史。此章朱子採入小學廣明倫篇。曲禮祭父曰。皇考大名。今直隸大名府元城縣。

右第二十三章 夫兄弟之妻。俗所謂妯娌也。古曰。娣姒。長婦爲姒。介婦爲娣。婦人相稱皆曰姒。則從

乎其尊者。娣姒之親。亦如兄弟。異姓相聚。爭長競短。風俗之衰。不可言矣。人非木石。皆可相觀而善。有禮讓之誠。無自私自利之心。安往而不和睦哉。述睦娣姒之德。自此以下。凡六章。妯音逐。娣音弟。長婦之長。上聲。

○顏氏家訓曰。娣姒者。多爭之地也。使骨肉居之。亦不若各歸四海。感霜露之相思。伫日月之相望也。況以行路之人。處多爭之地。能無閒者鮮矣。所以然者。以其當公務而執私情。處重責而懷薄義也。若能恕已而行。換子而撫。則此患不生矣。閒去聲。北齊黃門侍郎顏之推。琅邪臨沂人。著家訓二十篇。此兄弟篇文。

女學卷一

右第二十四章

○胡氏女範曰。人家不和。多因婦女以言激怒其夫。傷及同氣。蓋婦女所見不廣。不遠不公不平。輕於割恩。易於修怨。非丈夫有遠識。則爲其役而不自覺。一家之中。乖變生矣。音節。易音異。婦女之易生言語者。又多由於婢妾。婢妾愚賤。尤無見識。以言他人之短爲忠於主。苟能一切勿聽。則虛佞之言。不敢復進。若聽之信之。從而愛之。則必再言之。又言之。使主母與人遂成深讐。爲婢妾者。方洋洋得志。音異。復扶又切。胡氏未詳。按兩節全見袁氏世範睦親篇。袁氏名采。字君載。宋衢州人。官至監登聞鼓院。陳文恭公。

訓俗遺規多采其書附識俟考

右第二十五章

○內則曰。冢婦所祭祀賓客。每事必請於姑。介婦請於冢婦。舅姑使冢婦毋忘。不友無禮於介婦。舅姑若使介婦毋敢敵耦於冢婦。不敢並行。不敢並命。不敢並坐。毋俱音無友作敢。

禮記第十二

右第二十六章

○晉王渾妻鍾氏。黃門郎徽之女。魏太傅繇曾孫也。能屬文博覽。記美容止。禮儀法度。為中表儀則。渾弟湛妻郝氏。

女學卷一

七

有操行。鍾穉重之。鍾不以貴相陵。郝不以賤相諂。時稱鍾

夫人之禮。郝夫人之法。節○郝音整。行去聲。○晉書列女傳。鍾氏字琰。潁川長社人。郝夫人

令姿淑德。為王氏母儀。父普。太原襄城人。門至孤陋。後官洛陽太守。見世說新語。渾字元冲。太原晉陽人。初龔京陵

侯以統軍滅吳。功進為公。湛字處冲。初有隱德。人莫能知。兄弟宗族皆以為癡。仕為汝南內史。俱詳本傳。長社今河南許州。長葛縣境。晉陽今山西太原。

唐張孟仁妻鄭氏。其

弟仲義妻徐氏。其處一室紡績。寸絲不入私房。徐母家有

所饋。俱納於姑。隣用則請。不問孰為已物。徐富不驕。鄭貧

不諂。鄭歸寧。則徐乳其子。徐歸寧。則鄭乳其子。不問孰為

己子。子亦不知孰為己母。太平間表其門曰二難。按唐代紀元



有大利無太平。陳繼儒福壽全書載此事。鄭字妙安。徐字妙圓。家畜貓犬。貓爲人所竊。犬取貓子乳之人。謂和氣所感云。亦未詳其時地。繼儒字仲醅。松論曰。娣姒不和。由於江華亭人見明史隱逸傳附識。俟考。貴賤貧富之間不相若耳。一家之親。何分彼此。恃富挾貴。人將不堪。能如鍾郝之相善。鄭徐之相忘。雖百世同居可也。

右第二十七章

○蘇少娣。崔氏女也。蘇家兄弟五人。娶婦者四矣。各聽女奴語。日有爭言。甚者鬪牆操刃。少娣始嫁。姻族皆以爲憂。少娣曰。木石鳥獸。吾無如彼何矣。世豈有不可與之人哉。

女學卷一

六

八門事。四嫂執禮甚恭。嫂有缺乏。少娣卽以遺之。姑有役。其嫂者。嫂相視不應命。少娣曰。吾後進當勞。吾爲之母家。有果肉之饋。召諸子姪分與之。嫂不食。未嘗先食。嫂各以怨言告少娣者。少娣笑而不答。少娣女奴以妯娌之言來告者。少娣答之。尋以告嫂。引罪。嘗以錦衣抱其嫂小兒。適便溺。嫂急接之。少娣曰。無遽恐驚兒也。了無惜意。歲餘。四嫂自相謂曰。五嬪大賢。我等非人矣。奈何。若大年爲彼所笑。乃相與和睦。終身無怨語。少俱去聲。亦載呂氏閨範不著所出時地未詳。論曰。此所謂至誠而不動者。未之有也。人能如蘇少娣。天下

無難處之娣姒矣。

少去聲。

右第二十八章。

以上睦娣姒之德。

○文王后妃孝於父母。既成絺綌之服。遂告其師氏。使告於君子。以將歸寧之意。其詞曰。言告師氏。言告言歸。薄污我私。薄澣我衣。害澣害否。歸寧父母。

害俱音轄。周南葛覃篇。

右第二十九章。詩曰。哀哀父母。生我劬勞。又曰。父兮生我。母兮鞠我。拊我畜我。長我育我。顧我復我。出入腹我。欲報之德。昊天罔極。人身雖有男女。自父母視之。則皆子也。同為父母所生。而獨不得終

女學卷一

九

養女子之心。有倍愴然者矣。永言孝思。常存勿替。隨其力之所能為。盡其情於不自已。逆事父母之

德。自此以下凡五章。

劬求於切音渠。長上聲。養去聲。已音以。詩小雅蓼莪篇。

○漢齊太倉令淳于意。有罪當刑。詔逮繫長安。意有女五人。無子。臨行罵曰。生女不生男。緩急非有益。少女緹縈。悲泣。隨父至長安。上書曰。妾父為吏。齊中皆稱廉平。今坐法當刑。妾傷夫死者不可復生。刑者不可復屬。雖欲改過。自新。其道無由也。妾願入身為官婢。以贖父罪。書奏。文帝憐之。為除肉刑。

少去聲。緹音提。夫音扶。為除之為去聲。漢書刑法志文帝十三年事。意齊之臨淄人。太

倉令官名臨淄縣  
今屬山東青州府

右第三十章

○六朝南宋南鄉縣民楊豐與息女香於田獲粟豐為虎  
所噬香年甫十四手無寸刃見父被傷舍命攘拳而搯虎  
頸豐因獲免太守聞之賜以穀帛仍旌其門節○舍上聲  
攘如羊切搯  
音厄守去聲○劉敬叔異苑南  
鄉今河南南陽府浙川縣境  
梁宛陵有女夜與母共寢  
母為虎所攫女執虎尾啼號行數十里不捨虎毛盡落乃  
置其母而去詔表其門節○號平聲○南史附孝義張景  
仁傳梁武帝天監中事宛陵今安  
徽寧國府  
宣城縣宋分寧彭女從父入山採樵虎銜其父而去女

女學卷一

干

拔刀砍虎奪父還詔賜粟帛令州縣歲時存問○宋史列  
女傳其父  
名泰業農分寧今江  
西南昌府義寧州  
論曰此皆舍命護親不期勇而自勇  
者也孝思迫切虎口可以生還而況其他乎舍上  
聲

右第三十一章

○宋政和中濟南崔志有女甚孝母臥病久冬月思食魚  
而不可得女日聞昔者王祥臥冰得魚想不難也兄弟皆  
日女子何妄論古今女日不然父母有兒女者本欲養生  
送死兄謂女不能耶乃同乳媪焚香誓天即往河中臥冰  
凡十日果得魚三焉鱗鬣稍異歸以奉母母病立愈媪烏  
考切

蠶力涉切。政和宋徽宗年號。濟南府今山東省會。

### 右第三十二章

○漢孝女曹娥。上虞曹盱女也。盱為巫祝。能撫節按歌。婆娑樂神。五月迎伍君。逆濤而上。溺死。不得屍。娥年十四。沿江號哭。晝夜不絕聲。旬有七日。遂投江死。經五日。抱父屍而出。今曹娥婢為世所傳誦。歷代不朽。卽其事也。音節。盱音洛。號平聲。後漢書列女傳。上虞縣今屬浙江紹興府。 犍為女子叔先雄。父為縣功曹。齋檄詣巴郡。墮水。不得屍。雄乘舟於父墮處。慟哭。赴水死。見夢其弟曰。後六日當與父屍同出。至期果然。郡縣立

### 女學卷一

三

祠祀之節。犍經天切音堅。處去聲。後漢書列女傳。叔先復。姓水經。注作叔光。雄犍為郡。今四川眉州彭

山縣。唐樂平女子饒瓊。真世漁。鄱水父漁而醉。不能舟。風

卒起。溺死。不得屍。饒走水上。慟哭三日不食。耳鼻皆流血。

氣絕。伏地而死。明日父屍出。黿鼉蛟魚浮死者數萬。塞川

下。鄱人以為神。葬之鄱水西。立碑表焉。鄱蒲河切。新唐書列女傳。孝娥時

年亦十四。樂平縣今屬江西饒州府。論曰。此皆不幸父死。沒屍。而以身殉者

也。生則沿江號哭。天地慘悽。沒則精魂不散。偕父以出。偉

哉。孝女一至是乎。固宜其祠。碣豐隆。千秋不朽也。號平聲。

### 右第三十三章

以上事父母之德

○顏氏家訓曰婦人之性率寵子婿而虐兒婦寵婿則兄弟之怨生焉。虐婦則姊妹之讒行焉。然則女之行留皆得罪於其家者。可不戒哉。治家篇

右第三十四章婦人愛女其天性也。女子事嫂當倍加親愛。溫和謙讓。豈可自圖便利。相傾相軋哉。每見人家癡女。不知兄嫂之為親。稍不如意。則於父母之前。播弄長舌。論說是非。使母氏嗔怒。致怨於嫂。視若仇敵。父母既沒之後。嫂亦恨己入骨。惡之如鴟梟。一家之親。乃至於此。深可痛也。述事兒

女學卷一

嫂之德自此以下凡二章。惡去聲

○鄒瑛。宋人之女也。繼母所出。前母兄娶妻荆氏。繼母惡之。飲食常不給。瑛私以己食繼之母。每以非理役荆。瑛必與俱。荆有過。瑛先引為己罪。母每扑荆。瑛跪而泣。曰。女他日不為人婦耶。有姑如是。吾母樂乎。母怒欲笞瑛。瑛曰。願為嫂受笞。嫂實無罪。母徐察之。後適為士人妻。舅姑妯娌。知其賢也。皆敬重焉。瑛歸寧。抱數月兒。嫂置諸牀上。兒偶墜。火爛額。母大怒。瑛曰。吾臥於嫂室。不慎。嫂不知也。兒竟死。荆悲悔不食。瑛為好語相慰。曰。嫂作意耶。我夜

夢凶兒當死。不則我將不利。強嫂食而後食。母後見女之得愛於夫家也。竟成慈母。瑛嘗病。嫂爲素食三年。瑛五子。四登進士。年九十三而卒。惡去聲。樂音洛。爲嫂之爲去聲。強上聲。亦見呂氏聞範未詳。

右第三十五章。以上事兄嫂之德。

○晏子曰。爲妻之道。使其衆妾。皆得歡忻於其夫。謂之不嫉。晏子齊大夫名嬰。字平仲。有書名。晏子春秋語見內篇諫下第二。

右第三十六章。有妻有妾。人道之正。月星並麗。豈掩末光。故妬心不可萌也。世教下衰。十婦九妬。或

女學卷一

三

貌爲能容。而陰施毒虐。或顯肆殘暴。而不恤人言。甚有至老無子。情甘絕祀。而不願夫娶妾者。此等婦人。罪不可勝誅矣。婦有七去。淫去。妬去。聆先哲之教言。觀貞淑之懿行。能無愧乎。述去妬之德。自

此以下凡十章。勝平聲。行去聲。

○漢杜欽曰。禮一娶九女。所以極陽數。廣嗣重祖也。必鄉舉窈窕。不問華色。所以助德理內也。娣姒雖缺。不復補。所以養壽塞爭也。故后妃有貞淑之行。則肩嗣有賢聖之君。制度有威儀之節。則人君有壽考之福。復扶又切。行去聲。漢書本傳欽與

大將軍王鳳諭后  
如宜建九女之制

右第三十七章

○皇明內訓曰。君子為宗廟之主。奉神靈之統。宜蕃衍似  
續。傳序無窮。故夫婦之道。世祀為大。古之哲后。賢妃。皆推  
德逮下。薦達貞淑。不獨任己。是以茂衍來裔。長流慶澤。周  
之太姒。有逮下之德。故樛木形福履之詠。螽斯揚振振之  
美。終能昌大本枝。綿固宗社。三王之隆。莫此為盛矣。故婦  
人之行。貴於寬惠。惡於妬忌。月星並麗。豈掩朏光。松蘭同  
畝。不嫌俱秀。自后妃以至士庶人之妻。誠能貞靜寬和。明

文學卷一

五

大孝之端。廣至仁之意。不專一己之欲。不蔽眾下之美。斯  
上安下順。和氣蒸融。善慶源源。實肇於此矣。○振音真。行去  
聲。惡去聲。

明史后妃傳成祖仁孝文皇后徐氏撰內訓二十篇此逮下章文

右第三十八章

○商成湯之妃。有嬖氏女也。賢行聰明。化訓內外。統領九  
嬪。後宮有序。咸無妬媚。逆理之人。卒致王功。○嬖音辛。行去  
聲。列女傳

母儀傳有嬖國名或作姦

右第三十九章

○周南樛木。美后妃也。后妃能逮下。而無嫉妬之心。故眾

妾樂其德而稱願之。其詩曰：南有樛木，葛藟纍之。樂只君子，福履將之。南有樛木，葛藟纍之。樂只君子，福履成之。

節○樂俱音洛 藟音壘 纍音雷 后

妃不妬忌，而子孫衆多。衆妾又歌：螽斯以美之。其詩曰：螽斯羽，訆訆兮。宜爾子孫，振振兮。螽斯羽，薨薨兮。宜爾子孫，繩繩兮。螽斯羽，揖揖兮。宜爾子孫，蟄蟄兮。言其有是德，而宜有是福也。

振音真 薨音轟 揖音緝 ○詩國風首卷

右第四十章

○南國夫人承后妃之化，能不妬忌，以惠其下，故其衆妾

女學卷一

五

歌小星以美之。其詩曰：嘒彼小星，三五在東。肅肅宵征，夙夜在公。寔命不同。嘒彼小星，惟參與昴。肅肅宵征，抱衾與裯。寔命不猶。節○嘒胡桂切是時汜水之旁，媵有待年於國，而嫡不與之偕行者。其後嫡被后妃夫人之化，乃能自悔而迎之。故媵見江水之有汜，而因以起興。其詩曰：江有汜，之子歸，不我以。不我以，其後也。悔江有渚，之子歸，不我與。不我與，其後也。處江有沔，之子歸，不我過。不我過，其嘯也。歌。節興去聲，過俱音戈。陳氏曰：小星之夫人，惠及媵妾，而媵妾盡其心。江沔之嫡，惠不及媵妾，而媵妾不怨。蓋父雖不慈，



子不可以不孝。各盡其道而已矣。已音以。朱子詩傳江有汜篇注。

右第四十一章

○春秋魯桓公八年冬十月祭公逆王后於紀。九年春紀季姜歸於京師。胡氏傳曰。往逆則稱王后。既歸何以書季姜。自逆者而言。則當尊崇其匹。內主六宮之政。使妃妾不得以上僭。故從天王所命而稱王后。示天下之母儀也。自歸者而言。則當穆屈逮下。使夫人嬪婦皆得進御於君。而無嫉妬之心。故從父母所子而稱季姜。化天下以婦道也。

傳去聲

文學卷一

五

右第四十二章

○晉趙衰之妻文公女也。曰趙姬。文公爲公子時。與衰奔狄。狄人入其二女。叔隗季隗。公以叔隗妻衰。生盾焉。及反國。復以趙姬妻之。生原。同屏括矣。趙姬請迎盾母於狄。衰不敢。姬曰。不可。夫得寵而棄舊。非義。安新而忘故。無恩。與人勤於厄難。富貴而不顧。無禮。失此三者。其何以使人。雖妾亦無以待巾櫛矣。衰許諾。乃迎叔隗與盾來。姬以盾爲賢。請立爲嫡。使三子下之。以叔隗爲內子。身親下之。及盾爲正卿。思姬之恩。請於公。以姬之中子屏括爲公族大夫。

魏五委切妻衰妻之之妻俱去聲復扶又切難去聲○劉  
向列女傳賢明傳本事分見左傳僖公二十三年二十四  
年費人嘗封姑其歸於容籍曰夫親以朝誠欲歸劉且不

右第四十三章

○女宗者宋鮑蘇妻也蘇仕衛三年而他娶女宗獨養姑  
不衰。媼謂之日夫子有外好矣何不去也女宗曰吾聞婦  
以專一為貞以善從為順貞順者婦人所寶豈以專夫室  
之愛為善哉若抗夫室之好苟以自榮則吾未知其善也  
夫禮天子妻妾十二諸侯九卿大夫三士二今吾夫固士  
也其有二不亦宜乎且婦有七去妬為之首吾媼不匡我

文學卷一

毛

以禮而使吾為見棄之行非所聞也宋公聞之表其閭曰

女宗

養去聲好俱去聲行去聲○劉向列女傳賢明傳  
王照圓補注婦人謂長婦為媼亦謂姊為媼也

右第四十四章

○漢馬皇后接待同列如承至尊先人後已發於至誠是  
時後宮未有妊育者后言繼嗣當及時而立薦達左右如  
恐弗及後宮或進見輒奉養慰納之其寵益進者與之愈  
隆節○妊音任養去聲○後漢書帝紀明帝后諡明德  
德扶風茂陵人茂陵今陝西西安府興平縣境順帝  
梁貴人嘗特被引御從容辭曰夫陽以博施為德陰以不  
專為義願陛下思雲雨之均澤小妾得免於罪帝由是賢

之立爲后從倉紅切○後漢書帝紀后諱妣諡順烈大將軍商之女安定烏氏人氏音支今甘肅平涼府平涼縣境

右第四十五章以上去妬之德

○漢張負嫁孫女與陳平誠之曰無以貧故事人不謹事兄伯如父事嫂姑如母○漢書平本傳平陽武戶牖鄉人少時家貧後爲漢高祖功臣封曲

逆侯惠帝文帝時皆爲丞相陽武縣今屬河南懷慶府

右第四十六章貧者士之常室人交謫古今所同嘆也小人貧斯約約斯盜君子固窮所以不同於俗耳婦人從夫貧富惟天所命處貧而不能安將

文學卷一

三

有無所不至者矣子貢曰貧而無諂孔子曰未若貧而樂又曰貧與賤是人之所惡也不以其道得之不去也凡爲女子宜三復焉述安貧之德自此以下凡七章樂音洛惡去聲三去聲

○楚狂接輿躬耕而食楚王遣使迎之接輿笑而不應其妻從市來問其故接輿具以告妻曰妾聞義士非禮不動不爲貧而易操不爲賤而改行妾事先生躬耕以爲食親織以爲衣據義而動樂亦足矣若受人重祿乘堅刺肥將何以待之接輿曰吾不許也妻曰君使不從非忠也從之

又違非義也。不如去之。夫負釜餽。妻戴紆器。變姓名而遠徙。莫知所之。節○遣使之使去聲。爲貧爲賤。楚人老萊子之爲俱去聲。行去聲。樂音洛。

耕於蒙山之下。楚王聞其賢。遣使聘焉。其妻負畚挾薪而來。曰：何車跡之眾也。老萊子具言之。妻曰：妾聞可啖以酒

肉者。可隨以鞭扑。可餌以官祿者。可繼以斧鉞。妾不能爲人所制。因共逃去。至於江南而止。曰：鳥獸之毛。可績而衣。

其遺粒足食也。仲尼聞其論。爲蹙然改容焉。節○使去聲。畚音本。啖徒切。楚王遣使持金百鎰。聘陳定爲相。定謂妻曰：今日爲相。

明日結駟連騎。食方丈於前。妻曰：結駟連騎。所安不過容

文學卷一

无

膝。食方丈於前。所甘不過一肉。今以容膝之安。一肉之味。

而懷楚國之憂。亂世多害。恐先生不能保命也。於是夫妻逃去。爲人灌園。使去聲。相俱去聲。○三節均見劉向列女傳。賢明傳。陳定作於陵子終。補注楚蓋齊

字之誤。於陵今長山縣。濟南所屬。有於陵仲子墓。仲終音同。古字通也。論曰：此皆安貧自樂。避富貴而恐挽者也。高士之妻。加於人一等矣。樂音洛。

右第四十七章

○柳下惠處魯。三黜而不去。其妻曰：無乃瀆乎。君子有二

恥。國無道而貴。恥也。國有道而賤。恥也。今當亂世。三黜而

不去。何與。惠曰：滔滔之民。將陷於害。吾安能已乎。且彼爲

彼我爲我。雖袒裼裸裎。安能汙我。及惠卒。門人將誄之。妻曰。二三子不如妾知之也。乃誄曰。夫子之不伐兮。夫子之不竭兮。夫子之信誠而與人無害兮。屈柔從俗。不强察兮。蒙恥救民。德彌大兮。雖遇三黜。終不蔽兮。豈弟君子。永能厲兮。庶幾遐齡。今遂逝兮。嗚呼哀哉。魂神泄兮。夫子之謚宜曰惠兮。門人從之。節○三黜之三去聲。何與之與平聲。已音以。豈音愷。魯黔婁先生死。曾子與門人往弔焉。上堂而見其尸。緼袍不表。覆以短被。手足不盡斂。曾子曰。斜引其被。則斂矣。其妻曰。斜而有餘。不若正而不足。先生以不斜之故。乃至於此。死而斜。

文學卷一

三

之非先生意也。曾子哭之曰。何以爲謚。其妻曰。以康爲謚。曾子曰。先生生時。食不充口。衣不蓋形。死則手足不斂。旁無酒肉。生不得其美。死不得其榮。何樂於此。而謚爲康乎。妻曰。昔先生君嘗欲授之以政。辭國相而不爲。是有餘貴也。君嘗賜之粟三十鍾。先生辭而不受。是有餘富也。彼先生者。甘天下之淡味。安天下之卑位。不戚戚於貧賤。不忻忻於富貴。求仁而得仁。求義而得義。其謚爲康。不亦宜乎。曾子曰。唯斯人也。而有斯婦。樂音洛。相去聲。○兩節均見劉向列女傳賢明傳。

○東漢太原王霸少立高節光武時連徵不仕妻亦美志  
行友人令狐子伯爲楚相使其子奉書於霸車馬服從雍  
容如也霸子方耕於野聞賓至投耒而歸見令狐子沮怍  
不能仰視霸目之有愧容客去久臥不起妻怪問其故霸  
曰吾與子伯素不相若向見其子容服甚光舉措有適而  
我兒蓬髮歷齒未知禮則見客而有慚色父子恩深不覺  
自失耳妻曰君少脩清節不顧榮祿今子伯之貴孰與君  
之高奈何忘宿志而慚兒女子乎霸崛起而笑曰有是哉  
遂共隱終身

少俱去聲行去聲楚相之相去聲從去聲○  
後漢書列女傳霸字儒仲太原廣武人見逸

文學卷一

三

民傳廣武今山西代  
州境妻某氏史不詳

右第四十九章

○北魏姚家婦楊氏者閭人符承祖之母姨也家貧承祖  
寵貴姻親爭求利潤惟楊獨不屑嘗謂其姊曰姊雖有一  
時之榮不若妹有無憂之樂姊每遺其衣服多不受強與  
之則云我夫家世貧好衣美服使人不安與之奴婢則云  
我家無食不能供給終不肯受常着破衣自執勞事承祖  
見之恚其家不賑給謂母曰何令姨若是母語以故不信  
也遣車迎之不赴強抱置車中則大哭曰汝欲殺我由是

符家內外皆號為癡姨。及承祖敗。有司執其二姨至殿庭。致法以姚氏婦衣裳弊陋。特免其罪。闕音奄樂音洛強俱上聲。悲胡桂切。魏書列傳曰。此以安貧而得免禍者。也不義而富。必有後災。女傳。貧何負於人哉。

右第五十章

○宋廉靖先生劉愚妻。龍游徐氏女也。幼有志操。姑子富。母欲以字之。徐泣曰。願得有志行者事之。獨為富人妻。不願也。時愚通經學。隱居教授。請聘之。乃許。既歸。愚結廬城南。以居。頽垣敗壁。蓬蒿蕭然。時著書以自適。徐機杼佐之。

文學卷一

晏如也。一日愚懷數金以歸。徐大怒。愚出書。則諸生所具。束脩也。乃受之。後愚為安鄉令卒。士友私謚曰廉靖君。妻之助也。行去聲。宋史隱逸傳。愚字必明。龍游今浙江衢州府屬縣。

右第五十一章

○李氏。巴長卿妻也。長卿家徒四壁。李氏處之恬然。姊妹有適鄒姓者。甚富。而笑之。李亦不以為怪。遂作巴家富詩。其詞曰。誰道巴家窘。巴家十倍鄒。池中羅水馬。庭下列蝸牛。燕麥分無數。榆錢散不收。夜來添驟富。新月掛銀鈎。古切。論曰。姊妹之間。恃富嗷貧。人情所難堪也。李氏賦詩自

解無怨恨不平之氣。反以游戲出之。人品之高。不可及矣。

右第五十二章。以上安貧之德。

○隋蕭后述志賦曰。願立志於恭儉。私自兢於誠盈。孰有念於知足。苟無希於濫名。又曰。居高思危。持滿防溢。知恣夸之非道。乃攝生於冲謐。嗟寵辱之易驚。尙無爲而抱一履謙光而守貞。且願安乎容膝。珠簾玉箔之奇。金屋瑤臺之美。雖時俗之崇麗。蓋吾人之所鄙。愧絺綌之不一。豈絲竹之喧耳。知道德之可尊。明善惡之由己。謚音密。易音異。皇。后。傳。後。梁。明。帝。歸。之。女。也。性。婉。順。有。智。好。學。屬。文。見。帝。失。德。不。敢。措。言。因。爲。述。志。賦。以。自。寄。

文學卷一

三

右第五十三章。謙卑自牧。婦人之盛德也。愛惜物力。閭閻之美行也。苟富且貴。而驕奢淫佚。終趨覆亡。則恭儉不可不學也。凡人一生福澤。皆有天限。宜自加珍惜。常留餘不盡之意。貴而能下。則人不憎。富而有節。則財不匱。禮法以持躬。澹泊以明志。匪惟養德。福亦裕焉。述恭儉之德。自此以下凡

五章。行去聲。

○漢明帝皇后。伏波將軍馬援女也。慈仁儉素。敬身率下。常衣大練。裙不加緣。朔望諸姬主朝。請望見后袍衣。疏粗。



反以爲綺縠。就視乃笑。后辭曰：此繪特宜染色，故用之耳。

六宮莫不嘆息。節○衣大練之衣去聲緣去聲朝音潮章帝欲封諸舅，馬太

后不聽。會大旱，有司以爲言。太后曰：昔王氏五侯同日俱

封，黃霧四塞，不聞澍雨之應。夫外戚貴盛，鮮不傾覆。故先

帝慎防舅氏，不令在樞機之位。吾爲天下母，而身衣大練，

食不求甘，左右但着帛布，無薰香之飾，欲身率下也。前過

濯龍門上，見外家問起居者，車如流水，馬如游龍，蒼頭衣

綠襦，領袖正白，顧視御者不及遠矣。故不加譴怒，但絕歲

用糞以默愧其心，猶懈怠，無憂國忘家之慮。知臣莫若君。

女學卷一

誥

況親屬乎。節○尚商遇切衣俱去聲禱音鉤章帝復固請之。太后曰：高祖

約非軍功不侯。今馬氏無功於國，豈得與陰郭中興之后

等耶？嘗觀富貴之家，祿位重疊，猶再實之木，其根必傷。吾

計之熟矣，勿有疑也。夫至孝之行，安親爲上。今數遭變異，

穀價數倍，憂惶晝夜，不安坐臥，而欲先營外家之封，違慈

母之憐憐乎？若陰陽調和，邊境清靜，然後行子之志。吾但

當含飴弄孫，不能復關政矣。帝乃止。復扶又切重平聲夫音扶行字上去聲下

如字○三節均見後漢書本紀又見列女傳續母儀傳

○東漢和熹鄧皇后太傅禹之孫也。選入宮爲貴人。恭肅小心。承事陰后。接撫同列。常克己下之。雖宮人隸役。皆加恩恤。帝深嘉焉。嘗有疾。帝特令其母兄弟入視醫藥。辭曰。宮禁重地。而使外舍久在內省。上令陛下有私幸之譏。下使賤妾獲不知足之謗。上下交損。誠不願也。平居不喜侈靡。獨尙質素。及爲皇后。郡國貢獻。皆減過半。尙方內署。服御珍膳。靡麗難成之物。悉令禁絕。離宮別館。儲峙米炭。悉令裁省。禁止設戲作樂。斥賣上林鷹犬。自非陵廟米。不許導擇。朝夕一肉飯而已。已音以。後漢書帝紀和帝后諱綏南陽新野人新野縣今屬河南

文學卷一

三

南陽論曰。周書云。惟辟作福。惟辟作威。惟辟玉食。皇后母儀天下。玉食威福。固其宜也。尙且恭儉若此。爲臣民之妻者。可以鑒矣。

右第五十五章

○唐長孫皇后疾篤。與太宗歎。時房玄齡以譴歸第。后曰。玄齡事陛下久。小心慎密。苟無大故。不可棄也。妾之本宗。因緣葭莩。以致祿位。旣非德舉。易致傾危。欲保全之。慎勿處之權要。妾生無益於人。願勿以邱壘勞費天下。但因山爲墳。器用瓦木可也。更願陛下親君子。遠小人。納忠諫。屏

讒慝省作役止遊畋則妾死不恨矣長上聲李音孚易音異壘音隴遠去聲畋

音田唐書后妃傳后隋左驍衛將軍晟之女無忌妹諡文德順聖皇后河南洛陽人元齡太宗相洛陽縣今屬河南府

南府不敷非敵志取回且文敏以恭敏為意以觀其類

列傳右第五十六章意欲憐曰然而對類

○唐岐陽公主憲宗長女也有賢行下嫁尚書杜棕杜本

大族尊行不翅數寸人公主卑委怡順一同家人禮度始

至則與棕謀曰上所賜奴婢必不肯窮屈皆奏納之悉自

買寒賤可制者自是閨門寂然不聞人聲後棕出為澧州

刺史遣人迎主郡縣殺牛羊為數百人供具主從者不過

二十人六七婢乘驢鬪茸約所至不得食肉驛使舁飲食

候門外悉載以還京師傳說以為異事節○長上聲賢行之行去聲尊行之

去聲舛音余○新唐書公主傳文小異東光縣主名楚

媛紀王慎女也適太子司議裴仲將事姑如母敬夫如賓

以徽柔睦娣姒以慈愛逮幼賤時戚里爭尚驕奢主獨守

儉約或謂之曰人生在適志獨勤苦何為對曰幼而悅禮

今行之不違非適志如何且女婦以恭遜成德以驕縱敗

名者何限獨懼弗勤敢憚苦乎○新唐書紀王慎傳王太

人為立石頌德後為武后誦死宗子貞觀中為襄州刺史

主號慟嘔血絕膏沐者二十年論曰公主帝女也縣主王

文學卷一

女也。世人小小富貴，驕奢如恐不及，觀於帝王之家，且有如此之女，能無幡然愧悟哉。補注：岐陽公主節，載山堂通鑑，憲宗元和九年。肆考事又見司馬溫公資治

右第五十七章。以上恭儉之德。



女學卷一

三

右第五十七章

女學卷一

女學卷一

終

小富貴，奢成慾，不又感，欲帝王之家，且育

報，考，學，文，風，同，誠，盛，公，資，治

女學卷二

漳浦藍鼎元玉霖編

婦德篇中

○曲禮曰男女不雜坐。不同橐枷。不同巾櫛。不親授。節音

移枷音架嫂叔不通問。節男女非有行媒。不相知名。非受幣。不

交。不親。禮記第一

右第五十八章。男女之防。人獸之關。最宜慎重。不

可紊也。女子守身。當兢兢業業。如將軍守城。稍有

一毫疏失。則不得生。故曰無不敬也。敬身為大焉。

女學卷二

一

別嫌明微。必防其漸。正本清源。必慎其始。可貧可

賤。可死可亡。而身不可辱。述敬身之德。自此以下

凡八章。

○孔子曰。夫禮防民所淫。章民之別。使民無嫌。以為民紀

者也。故男女無媒不交。無幣不相見。恐男女之無別也。詩

云。蕤麻如之何。衡從其畝。取妻如之何。必告父母。析薪如

之何。匪斧不克。取妻如之何。匪媒不得。夫音扶。取音去。聲

禮記坊記第三十。引詩齊風南山篇。

右第五十九章。

○孟子曰。丈夫生而願爲之有室。女子生而願爲之有家。父母之心。人皆有之。不待父母之命。媒妁之言。鑽穴隙相窺。踰牆相從。則父母國人皆賤之。

右第六十章

○召南申女曰。夫婦者。人倫之始也。不可不正。正其本。則萬物理。失之毫釐。差之千里。節○召音邵○列女傳貞順傳申人之女許嫁於鄆夫家禮不備。遂不肯往。作詩曰。雖速我獄。室家不足。曲沃負曰。男女之別。國之大節也。婦人脆於志。窳於心。不可以邪開也。是故必十五而笄。二十而嫁。早正其號。諛所以就規節情也。聘則爲妻。奔則爲

女學卷二

二

妾。所以開善遏淫也。節成然後許嫁。親迎然後隨從。貞女之義也。脆音翠。窳弋渚切。音與迎去聲。○列女傳仁智傳魏大夫如耳母也。上書諫魏王王勤行自修。齊楚強秦不敢加兵焉。補注負老嫗之稱。見漢書注。曲沃今山西平陽府屬縣。

右第六十一章

○行露之詩。女子能以貞潔自守者也。其詞曰。厭浥行露。豈不夙夜。謂行多露。又曰。誰謂雀無角。何以穿我屋。誰謂女無家。何以速我獄。雖速我獄。室家不足。誰謂鼠無牙。何以穿我墉。誰謂女無家。何以速我訟。雖速我訟。亦不女從。

厭入聲。女無家。女從之女。俱音汝。○詩召南國風。

右第六十二章

○齊閔王出遊至東郭。百姓盡觀。宿瘤女採桑不顧。王怪之。召而問焉。對曰。妾受父母教採桑。不受教觀。大王王曰。此奇女也。惜哉。宿瘤女曰。婢妾之職。慎德勤事。苟稱任使。宿瘤何傷。王悅曰。此賢女也。命載之女曰。使妾不受父母之教。而隨大王。是奔女也。大王又安用之。王大慙。歸使使者以金百鎰聘為后。

瘤音留。稱去聲。使者之使去聲。列女傳辯通傳項有大瘤。故號曰宿瘤。

右第六十三章

○宋共公夫人伯姬。魯宣公女也。嫁十年而共公卒。宋災

文學卷二

火及於姬所。左右曰。夫人避火。伯姬曰。婦人之義。保傅不具。宵不下堂。待保傅來也。左右曰。如火。何。伯姬曰。吾死矣。夫越義而生。不若守義而死。遂逮於火。春秋書之。以著其賢行。勵天下之婦道也。節。共俱音恭矣。夫之夫音扶。行去聲。列女傳貞順傳事在春秋。襄公三十一年五月。楚昭王夫人貞姜。從王遊於漸臺。王他出。留夫人。漸臺上江水驟至。王使使者迎夫人。而忘持符。使者至。夫人曰。王召宮人。必以符。今使者不持符。吾不行也。使者曰。水方大。至還而持符。恐後矣。夫人曰。妾聞之。貞女義不犯約。勇不畏死。棄約越義而生。不如死。使者走取符。而臺

崩。貞姜死焉。使者之使俱去聲。貞順傳齊侯之女貞諡號也。列女傳論曰：水火之災。

死生之際，人謂可以行權者也。不知婦人以畏死而行權。

將有無所不至者矣。白刃一脅，辱身敗名，則皆偷生苟免。

之心誤之也。善乎兩夫人曰：越義而生，不如死。彼自視其

身如泰山之重，不難以一死全之。敬身之至者也。

右第六十四章

○魯秋胡子娶妻五日，去而官於陳。五年乃歸，將至家，見

採桑婦而悅之，下車與語。婦人採桑不顧。秋胡子曰：力田

不如逢豐年，採桑不如見國卿。吾有金，願以與夫人。婦人

女學卷二

曰：嘻，吾不願人之金。秋胡子遂去。至家，奉金遺母。母命呼

妻，妻出，乃桑間婦也。秋胡子大慚，妻責之曰：棄金忘母，大

不孝也。好色污行，是不義也。事親不孝，則事君不忠。處家

不義，則治官不理。孝義並亡，禍不遠矣。妾不忍見子改娶

矣。妾亦不嫁，遂投河而死。列女傳節義傳按原刻有詩云：郎恩葉薄，妾水清。郎與黃金

妾不應若使偶然通一語，半生誰信守孤鏡。詞意深摯，足資警發。然第後人追咏其事，非潔婦自作也。今附存於此。

右第六十五章以上敬身之德

○齊攻魯，至郊，見婦人抱一兒，攜一兒而走。追將及，棄所

抱抱所攜。齊將執而問之，對曰：所抱者妾兄子，所棄者妾



子也。力不能兩護。故棄之。齊將曰：「兄子與己子孰親？」對曰：「己子私愛也。兄子公義也。亡兄子而存妾子，幸而濟，謂義何故忍而棄吾子也？」於是齊將使人言於君曰：「魯未可伐也。山澤之婦，猶知行義。況士大夫乎？」請還師。師還，魯君賜婦人束帛百端，號曰「義姑姊」。齊將之將俱去聲。列女傳節義傳。

右第六十六章。婦人但知徇私，罕顧公義。苟可適己，自便，遑恤其他。此亦恆情之常，末俗之陋也。古之哲婦，放義而行，私愛可捐，軀命可捨，義聲著於當時，芳名垂乎千載。視彼自私自利者，相懸何啻

女學卷二

五

倍蓰乎。述重義之德，自此以下凡五章。放上聲。

○戎伐蓋殺其君，令於蓋羣臣曰：「敢有自殺者，妻子盡誅。」蓋將邱子自殺，人救之，不得死。及歸，其妻謂之曰：「軍敗君死，子獨何生？」邱子告以故，妻曰：「曩有救，今又何也？」邱子曰：「吾非愛身，恐誅妻子耳。」妻曰：「吾聞主憂臣辱，主辱臣死。今君死而子不死，可謂義乎？多殺士民，不能存國，而自活，可謂仁乎？憂妻子而忘仁義，背故君而事強暴，可謂忠乎？夫妻子私愛也。事君公義也。以妻子之故，失人臣之節，偷生苟活，妾等恥之。況於子乎？吾不能與子蒙恥而生，遂自殺。」

戎君賢之。祠以大牢。以禮葬之。

將去聲。夫音扶。大音太。列女傳節義傳。

右第六十七章

○孝義保者。魯孝公稱之。保母臧氏之寡也。伯御作亂。弑懿公而自立。求公子稱於宮。將殺之。義保聞。伯御欲殺稱。乃以其子衣稱之衣。臥於稱之處。伯御不知而殺之。保抱稱出。遇稱舅魯大夫於外。告之。故遂匿稱以逃。十一年。魯大夫請於天子。殺伯御。立稱。是爲孝公。節。衣稱之衣。上聲。列女傳節義傳。稱孝公名伯御。去聲。下如字。處去。孝公從父兄伯御之亂。見國語。周上秦攻魏。殺魏王瑕。誅諸公子。而一公子不得節。乳母匿之以逃。魏之故臣見乳

女學卷二

六

母而識之。曰。乳母無恙乎。吾聞秦令得公子者。賜金千鎰。匿者誅夷。今公子安在。母倘言之。可得千金。不言。則昆弟無遺類矣。乳母曰。嘻。我不知也。故臣曰。我聞公子與母俱逃。今魏國破亡。子匿之。將誰爲乎。乳母曰。見利而反上者。逆也。畏死而棄義者。亂也。吾豈可利賞畏誅。廢正義而行逆節哉。遂抱公子逃於深澤之中。故臣以告秦軍。秦軍追射之。乳母以身蔽公子。俱死焉。爲去聲。列女傳節義傳。秦王貴其守忠死義。乃以卿禮葬之。祠以太牢。又見韓詩外傳。論曰。此一保母一乳母耳。即使不能存孤。誰復以大義責之者。乃一則已子代死。翼孝公以成立。

一則千金不顧。甘以身殉公子。二人節義播天壤矣。魯之大夫與魏之故臣。賢不肖不必論也。復扶又切

右第六十八章

○衛宗二順者。靈王夫人及其傅妾也。王死。夫人無子。傅妾有子。妾事夫人。八年不衰。夫人曰。吾聞主君之母。不妾事人。今我無子於禮。斥綈之人也。孺子不解故節。我甚內慚。願出居外。以時相見。傅妾泣而對曰。忠臣事君。無時怠倦。孝子養親。患無日也。妾豈敢以小貴之故。變妾之節哉。夫人固請居外。傅妾退而謂其子曰。吾聞君子處順。奉上

女學卷二

下之儀。脩先古之禮。此順道也。今夫人難我。將欲居外。使我居內。此逆也。逆而生。不如順而死。欲自殺。其子泣而守之。夫人許留。終身供養不衰。細與黜同解音懈養俱去聲。列女傳貞順傳秦滅衛君乃封靈王世家使奉其祀王照圓補注孺子謂傅妾蓋婦官之貴者猶大夫妻曰孺人也按衛無稱王之事隋書列女傳序云衛君靈主之妾夏侯文甯之女王正作主當以形近轉寫誤耳

右第六十九章

○蔡人妻宋人之女也。既嫁而夫有惡疾。其母將改嫁之。女曰。夫之不幸。乃妾之不幸也。奈何去之。適人之道。一與之醮。終身不改。不幸遇惡疾。彼無大故。又不遣妾。何以得

去終不聽。節。順傳其母乃作芣苢之詩。隋李德武妻裴淑

英尚書裴矩女也。甫嫁經年而德武以父罪坐徙嶺。表矩

奏離婚。煬帝聽之。德武與淑英訣曰：我方貶無還理。若必

儷他族。於此長訣矣。對曰：婦無再醮。夫者天也。天可二乎。

欲割耳自誓。德武奪刀不許。遂毀容貌。不御膏沐。讀列女

傳。見述不再嫁者。謂人曰：不踐二庭。婦人之常。何異而載

之書。久之。德武音問斷絕。矩決嫁之。斷髮絕粒。不可奪而

止。後十餘年。德武還。為夫婦如初。節。揚音羊傳去聲。斷

唐書列女傳裴矩河東聞喜人聞喜縣今屬山西絳州明永樂間。解縉。胡廣。侍宴文

女學卷二

淵閣。帝曰：汝兩人少同業。仕同官。縉有子。廣宜妻以女。越

日。廣果生女。遂定盟。既而縉遭讒死。家戍邊。廣女未及歸。

而縉子禎亮行矣。居數年。父母欲令改適。女厲聲曰：薄命

之婚。皇上主之。父面承之一。與之盟。終身不改。背主違父。

何用生為。竊入室。以刀截耳。家人急救。已血被兩頰。議遂

寢。宣德初。解家赦。遣女乃歸禎亮。事姑以孝聞。樂音洛解音懈少去

聲妻去聲。戌音樹。己音以。明史解縉傳。縉字大紳。官左

春坊大學士。廣文淵閣大學士。皆吉水人。吉水縣今屬江西。吉論曰：一與之盟。終身不改。此所謂義也。婦人不知大

義。所以或至失節。哀哉。次重義於守節之上。使知生平大

端。悉依乎義而行。無自私自利之心。自無偷生苟活之患。正本清源。莫善於此。世有重義而不能守節者。我未之見也。

右第七十章。以上重義之德

○易曰。恆其德。貞婦人吉。象曰。婦人貞吉。從一而終也。節○禮記

易恆卦禮曰。壹與之齊。終身不改。故夫死不嫁。節○禮記

六五王蠋曰。忠臣不事二君。烈女不更二夫。蠋音觸○史記

齊聞畫邑人王蠋賢欲以為將封萬家蠋對云云遂經於樹絕脰而死

右第七十一章。婦道從一而終。豈以存亡改節。夫

女學卷二

死不嫁。固其常也。不幸而遭強暴之變。惟有死耳。

玉潔冰清。可殺不可辱。千載而下。有餘榮焉。若畏

死貪生。至於失節。則名雖為人。實與禽獸無異矣。

述守節之德。自此以下十六章。

○或問孀婦於理似不可取。如何。伊川先生曰。然。凡取以

配身也。若娶失節者。以配身。是已失節也。又問。或有孤孀

貧窮無託者。可再嫁否。曰。只是後世怕寒餓死。故有是說。

然餓死事極小。失節事極大。孀音霜取俱去聲○二程遺書雜錄伊川先生姓程名頤

明道先生顛之弟也。兩先生並從祀。廟庭。宋河南人。今河南河南府洛陽縣。

右第七十二章

○衛共姜者。世子共伯之妻也。共伯蚤死。共姜守義。父母欲奪而嫁之。共姜不許。作柏舟之詩。以死自誓。其詞曰。汎彼柏舟。在彼中河。髡彼兩髦。實維我儀。之死矢靡他。母也天只。不諒人只。又曰。汎彼柏舟。在彼河側。髡彼兩髦。實維我特。之死矢靡慝。母也天只。不諒人只。共俱平聲。髡音音。皆他音拖。○詩。鄘風。

右第七十三章

○陶嬰者。魯陶明之女也。少寡。養幼孤。無強昆弟。紡績爲產。魯人聞其義。將求焉。嬰恐不得免。作歌自明。其詞曰。悲

女學卷二

夫。黃鵠之蚤寡兮。七年不雙。宛頸獨宿兮。不與眾同。夜半悲鳴兮。想其故雄。天命蚤寡兮。獨宿何傷。寡婦念此兮。泣下數行。嗚呼哀哉兮。死者不可忘。飛鳥尙然兮。況於貞良。雖有賢雄兮。終不同行。魯人聞之曰。斯女不可得已。遂不敢復求。嬰終身不改。少去聲。夫音扶。數行之音杭。已音以。復扶又切。○列女傳。貞順傳。陶明。一作陶門。

右第七十四章

○貞姬者。楚白公勝妻也。白公死。姬紡績不嫁。吳王聞其美。且有行。使大夫持金百鎰。白璧一雙。聘爲夫人。以輜軒

三十乘迎之。大夫致幣。姬辭曰：自公生時，妾幸得充妃匹之位。非所聞也。且夫棄義從欲者，汙也。見利忘死者，貪也。貪汙之人，王何以爲哉？妾聞忠臣不借人以力，貞女不假人以色。豈獨事生若此，於死者亦然？妾旣不仁，不能從死。今又去而嫁，不太甚乎？遂卻聘不行。吳王賢其守節，有義號曰貞姬。

有行之行去聲。駢音瓶。妃作配。且夫音扶。列女傳貞順傳白公名勝。楚太子建之子。

右第七十五章

○梁有寡婦，榮於色而美於行。夫死不嫁。梁貴人爭欲娶

女學卷二

之不可得。梁王聞，使相聘焉。辭曰：妾聞婦人之義，一往而不改，以全貞也。若忘死而趨生，慕貴而羞賤，棄義而從利，無以爲人。乃引刀自割其鼻，曰：妾已刑矣。所以不死者，不忍幼弱之重孤也。相以報王，王大其義，高其行，復其身，尊其號曰高行。

節○行俱去聲。相俱去聲。已音以。列女傳貞順傳復者免其徭賦也。

東漢沛

郡劉長卿妻桓鸞女也。甫生男而夫卒，桓終不歸寧。男十

五又歿，桓慮不免豫刑耳，自誓宗婦流涕愍之，曰：若家未

有他意，卽有可因姑姊妹自表，何自苦如此？對曰：我先君

五更學爲儒宗，經爲帝師，五更而來，代不替德。男以忠孝

顯女以貞順稱。詩云：無忝爾祖，故自刑翦。決之不早，明吾

心懼無及也。沛相表其閭，邑有祀膳焉。節○長相俱去聲○後漢書列女傳

沛相王吉號曰行義，桓棧桓鸞，沛郡龍亢人，少立操行，官議郎，曾祖榮，授明帝經，永平二年，三雍初成，拜榮為五更

祖郁伯父焉，並為帝師，漢沛郡治今安徽鳳陽府宿州境，龍亢今鳳陽府懷遠縣境。魏曹爽從弟文

叔妻譙郡夏侯文寧之女，名令女，文叔蚤死，服闋，自以年

少無子，恐家必嫁，已乃斷髮為信。其後家果欲嫁之，令女

聞，卽復以刀截兩耳，居止常依爽，及爽被誅，曹氏盡死，令

女叔父上書與曹氏絕婚，強迎令女歸。時文寧為梁相，憐

其少執義，又曹氏無遺類，冀其意阻，乃微使人風之，令女

文學卷二

歎且泣曰：吾亦惟之許之是也。家以為信，防之少懈，令女

於是竊入寢室，以刀斷鼻，蒙被而臥。其母呼與語，不應，發

被視之，血流滿牀，席舉家驚惶，往視之，莫不酸鼻。或謂之

曰：人生世間，如輕塵棲弱草耳，何辛苦乃爾！且夫家夷滅

已盡，守此欲誰為哉！令女曰：聞仁者不以盛衰改節，義者

不以存亡易心。曹氏前盛之時，尚欲保終，況今衰亡，何忍

棄之禽獸之行。吾豈為哉。節○從去聲，闕音闕，年少執義

切，強上聲，相去聲，風音諷，已盡之已音以，誰為之為去聲，行去聲。○三國志曹爽傳注：譙郡今安徽潁州府亳州。

北魏魏溥妻房氏，年十六，溥病將危，顧謂之曰：死不足恨。



但痛母老家貧。赤子蒙眇。抱怨於黃壚耳。言訖而卒。及將大斂。房氏操刀割耳投棺中。流血滂然。姑劉氏哀懼。輟哭問故。答曰。年少不幸。早寡。實慮父母未量至情。故持此自誓耳。兼慰夫魂於泉壤也。節○眇音渺。壚音盧。少去聲。○燕貴鄉太守。湛女也。時子緝生。末十旬後。緝子悅爲濟陰太守。北魏鉅鹿郡。今直隸正定府。晉州境。又改置今趙州寧晉縣。治梁衛敬瑜妻王氏。年十六而敬瑜死。父母舅姑咸欲嫁之。王截耳置盤中爲誓。乃止。所居有燕來巢。後失雄。雌孤飛不去。集王氏之臂。王感其偏棲。以綵絲繫燕足爲誌。明歲燕復來。猶帶前縷。王因爲詩曰。昔年無偶去。今春猶

文學卷二

獨歸。故人恩義重。不忍復雙飛。復扶又切。○南史附孝義姊也。手爲亡背種樹數百株。墓前柏樹忽成。連理雍州刺史嘉其美節。起樓於門。題曰貞義。衛婦之閭。霸城今陝西西安府咸寧縣。境時屬北魏。論曰。此皆自刑耳。鼻惟恐不得全其節者也。令女爲父母所迫。乃自刑至再。倘迫之不已。則有死耳。禽獸之行。所不忍爲。是數人者同也。已音以。行去聲。

右第七十六章

○東漢皇甫規之妻善屬文。能草書。規卒。董卓聞其名。聘以輜駟百乘。馬二十匹。奴婢錢帛充路。妻乃輕服詣卓門。跪自陳情。辭甚酸愴。卓使奴拔刀圍之。而謂曰。孤之威教。

欲令四海風靡。豈有不行於一婦乎。妻知不免。厲聲罵曰。君羌胡之種。毒害天下。猶未足耶。妾之先人。清德奕世。皇甫氏文武上才。爲漢忠臣。君親非其趨使。走吏乎。敢行非禮於汝君夫人耶。卓乃引車庭中。以其頭繫輓。鞭扑交下。妻謂杖者曰。何不重乎。速盡爲惠。遂死車下。後人圖畫。號曰禮宗云。輓同輓。後漢書列女傳。規字威明。安定朝那人。桓帝時。屢爲中郎將。度遼將軍。封壽成亭侯。詳本傳。謹按。四庫全書總目提要。子部藝術類。存日書學類編。國朝萬斯同撰。如皇甫規妻。舊云不知何氏。女此據張懷瓘書。斷知其姓馬也。論曰。董卓挾天子。亂天下。朝那今甘肅平涼府平涼縣境。論曰。董卓挾天子。亂天下。威勢強暴。赫然無比。非可以情理論者。不嫁則死。皇甫夫

文學卷二

西

人籌之審矣。卓門陳請。厲聲罵賊。繫輓中庭。含笑斃杖。壯哉節烈。死有餘芬。彼貪慕富貴。或畏威失節之婦。觀茲圖畫。以爲何如哉。

右第七十七章

○五代。魏州司戶參軍王凝。以疾卒於官。家素貧。二子尙幼。妻李氏。攜其子。負遺骸以歸。東過開封。止於旅舍。主人不納。李氏顧天色已暮。不肯去。主人牽其臂出之。李氏仰天慟曰。我爲婦人。不能守節。而此手爲人所執耶。不可以一手并汚吾身。卽引斧自斷其臂。見者爲之嘆泣。開封尹

聞之。白其事於朝。官爲賜藥封瘡。厚恤李氏。而笞其主人。  
號古百切。已音以。斷都管切。爲之官。爲之爲去聲。朝論曰。音潮。瘡。楚莊切。五代史。馮道傳。序凝家青齊之間。論曰。李氏潔清之操。亙天地萬古。而不可磨滅者也。一手尙恐汚身。況其大乎。嗚呼。可謂烈矣。

右第七十八章

○楚伐息。擄其君。使守門。將妻其夫人。而納之於宮。楚王出遊。夫人出見息君。曰。人生要一死而已。何至自苦。妾無須臾而忘君也。終不以身更二醮。乃咏詩曰。穀則異室。死則同穴。謂予不信。有如皦日。遂自殺。息君亦自殺。楚王賢

女學卷二

五

其守節有義。乃以諸侯之禮。合而葬之。  
節。已音以。列女傳。貞順傳。

漢劉曜陷涇陽。渭北諸城皆潰。曜獲將軍梁緯。飲之酒。曰。

吾得子。天下不足定也。緯自殺。緯妻辛氏。色美。曜欲納之。

辛氏大哭曰。妾夫已死。義不獨生。且一婦人而事二夫。明

公又安用之。曜曰。貞婦也。亦聽其自殺。皆以禮葬之。  
已音

晉書。列女傳。辛氏隴西狄道人也。緯爲散騎常侍。愍帝建興四年七月死。節時。匈奴劉淵據平陽。稱帝國號。漢子聰繼之。曜聰之族弟也。涇陽今甘肅平涼府。論曰。擄其夫而平涼縣境狄道。今甘肅蘭州府狄道州。

欲妻其妻。暴虐之甚者也。不死必不免。息夫人。辛氏如一

轍焉。夫妻偕死。感動仇人。以禮合葬。息夫人。辛氏。又如一

轍焉。夫妻偕死。感動仇人。以禮合葬。息夫人。辛氏。又如一

轍焉。嗚呼奇矣。此心此理之同。有不謀而合者也。

右第七十九章

○何氏。宋韓憑妻也。憑戰國時為康王舍人。妻何氏美。王欲奪之。捕舍人築青陵臺。何氏作烏鵲歌以見志。其詞曰。南山有烏。北山張羅。烏自高飛。羅當奈何。又曰。烏鵲雙飛。不樂鳳凰。妾是庶人。不樂宋王。俄而憑遇害。王與何氏登臺。何氏投臺下而死。遺書於帶曰。王利其生。不利其死。願以屍與憑合葬。王怒弗聽。使里人埋之。塚相望也。越宿有交梓木生於二塚之端。旬日而大。合抱。屈曲體相就。根交

文學卷二

於下。又有鴛鴦雌雄各一。恆棲樹交頸悲鳴。宋人哀之。號

其木曰相思樹。

樂俱音洛。○廣事類賦注出九域志。沈選古詩源作彤管集。

右第八十章

○唐奉天竇氏二女生長草野。幼有志操。永泰中。羣盜數千人。剽掠其村落。二女皆有容色。長者年十九。幼者年十六。匿巖穴間。曳出之。驅迫以前。臨壑谷深數百尺。其姊先曰。吾寧就死。義不受辱。卽投崖下而死。盜方驚駭。其妹繼之。自投折足。破面流血。羣盜乃舍之而去。京兆尹第五琦嘉其貞烈。奏之。詔旌表其門閭。永蠲其家丁役。節○長俱上聲。舍音

捨○温公家範新舊唐書列女傳事同文異二女  
史名伯孃仲孃奉天今陝西乾州永泰代宗年號明黃觀  
妻翁氏有賢行觀建文時以進士及第仕至宗伯燕王之  
篡也觀死節翁及二女皆被逮有旨配象奴翁詭言避難  
時有金若干寄城外親戚家請往取象奴利其物與俱至  
郊外翁云兩女當以衣裾相結恐稠人中迷失奴許之至  
江濱則牽二女溺水死至今廟祀秦淮河干行去聲難去聲○明史觀  
本傳觀字伯瀾貴池人洪武二十四年會試廷試皆第一  
初觀妻投水時嘔血石上成小影陰雨則見相傳爲大士  
像僧昇至菴中翁氏兒夢曰我黃狀元妻也比明沃以水  
影愈明有愁慘狀後移至觀祠名翁夫人血影石今尚存  
貴池縣今屬安徽池州府秦淮河發源江蘇溧水縣流經江甯府城內

論曰盜剽村落掠人

女學卷二

七

婦女燕篡社稷亂人匹配其爲賊同其暴行無以異也竇  
氏二女投崖明烈翁及二女入水全貞其不幸同其立節  
無以異也京兆秦旌流芳千載秦淮立廟血食河干其寧  
死不辱旣同其食報亦無以異也行去聲

右第八十一章

○五閩余洪妻鄭氏女也有殊色南唐平建州鄭爲亂兵  
所掠裨將王建封逼之鄭不爲屈劫以利刃亦不可奪建  
封嗜人肉而掠婦人百計日殺一人以食引鄭示之曰汝  
懼乎鄭曰願早充庖爲幸多矣建封終不忍殺以獻查文

徽文徽見之曰國色也將以薦牀席鄭大罵曰王師弔伐凡義夫節婦宜加旌賞以勵風俗王司徒出於卒伍不識禮義且無足怪君侯知書爲國之大將當表率羣下風化遠方乃欲加非禮於一婦人以逞其欲妾有死而已速殺爲惠文徽大慚下令城中召其夫付之裨將大將之將俱去聲已音以馬令南唐書女憲傳陸書節義傳事同文異洪闕王氏將也南唐破建州在晉主重貴開運二年查文徽時爲樞密副使建封後誅死建州今福建建甯府建甯縣論曰鄭爲亂兵所掠能脫王建封之手幸矣彼惟不畏死故得全也文徽大將以義責之無難愧悟貞烈之婦惟求一死固亦有幸而獲免哉世人畏

女學卷二

六

死不敢貞烈何也

將去聲

右第八十二章

○宋王貞婦者夫家臨海人也德祐二年冬元兵入浙東貞婦與其夫舅姑皆被執旣而舅姑與夫皆死主將見婦美欲納之恐其自縊令俘囚婦人雜守之甚嚴欲求一死不可得明年春師還挈行至嶧縣青楓嶺下臨絕壑婦視守者少懈齧指出血書詩於山石上南望慟哭自投崖下而死後其血皆漬入石天且陰雨卽墳起如始書郡守爲立石祠嶺上易名曰清風嶺節○將去聲嶧音盛楓音風齧魚列切墳房勿切守去聲

○宋史列女傳德祐恭帝熈年號臨海縣趙貞婦者夫家今屬浙江台州府嶺縣今屬浙江紹興府

永新人也宋亡永新嬰城自守元兵破城趙抱兒隨舅姑

匿邑校中為悍卒所獲殺其舅姑執趙欲污之不可臨以

刃曰從我則生不從則死趙罵曰吾舅死於汝吾姑又死

於汝吾不義而生寧從舅姑死耳遂與兒同遇害血漬於

禮殿兩楹之間入甄為婦人與嬰兒狀久而宛然如新或

磨以沙石不滅燬以熾炭其狀益顯甄音專○宋史列女傳貞婦夫家譚氏永

新今江西吉安府屬縣論曰二婦皆遭元兵皆親見舅姑之死踪跡

同也烈血漬乎甄石皆能歷久如新千載下凜凜有生氣

女學卷二

焉所謂不可奪之節至形銷骨化而後猶不可奪者也

右第八十三章

○宋巴陵女子韓希孟韓琦九世孫也元兵陷岳陽希孟

被執義不受辱書詩衣帛上投江而死越三日收其尸復

得詩於練裙帶中其詞曰我質本瑚璉宗廟供蘋蘩一朝

嬰禍難失身戎馬間寧當血刃死不作衽席完漢上有王

猛江南無謝安長號赴洪流激烈摧心肝節○復扶又切難去聲號平聲

○宋史列女傳女年十八時理宗開元龍游儒家婦何氏

慶元年也巴陵縣今屬湖南岳州府

至正間為亂兵所掠裂帛題詩投江而死其詞曰妾長朱

四十九春。豈期今逐亂兵奔。失身無補君王事。死節難酬  
夫婿恩。江靜從教沈弱質。月明誰與弔孤魂。只愁父母難  
相見。願與來生作子孫。節○長上聲。教平聲。○浙江通志  
列女傳。龍游縣今屬浙江衢州府。  
蘭氏。江西吉安人也。有殊色。爲紅巾盜所掠。欲以爲妻。蘭  
乃手刃其子。題詩於壁曰。涇渭難分濁與清。此身不幸厄  
紅巾。孤兒豈忍更他姓。烈婦何曾事二人。白刃自揮心似  
鐵。黃泉欲到骨如銀。荒村日落猿啼處。過客聞之亦慘神。  
遂擲筆自刎而死。陳友諒立廟旌之。蘭音吝。處去聲。○陶  
諒據江州。以紅巾爲號。吉安路今江西吉  
安府首節。韓烈女亦見錄中。載全詩尤詳。論曰。此皆不幸

女學卷二

辛

慘被寇掠。題詩盡節者也。韓何投江而死。死已正矣。蘭乃  
手刃其子。書壁刎頸。烈有加焉。詩之工拙不必計也。已音

右第八十四章

○宋末元兵陷撫州。臨川王家婦梁氏。甫嫁數月。與夫皆  
被執。軍帥欲污之。梁氏給曰。夫在不忍也。乞歸之。而後可。  
帥以金帛與其夫。遣之。并與一矢。卻後兵。婦度夫去。遣罵  
賊而死。節○給蕩海切。度入聲。○宋史列女傳。後十七年  
再生云。臨川縣今屬江西撫州府。元劉宜者。大同人也。至正間。與姑華氏  
逃難。爲軍帥所掠。姑謂之曰。汝年少。奈若何。劉氏曰。死耳。



姑曰。勿無刀。益無索。將奈何。劉氏曰。當罵賊不屈。激其怒。

以就死耳。因賦庭柏。以自況。遂相與大罵。為賊所害。節去

聲少去聲。況上聲。元史列女傳文小異。華氏張思孝妻。後家人斂其屍。婦姑之手猶相持不捨。大同今山西大同府大

同縣。至正十五年。有商人婦毛氏。美姿色。隨夫避亂。為賊

所執。脅之曰。從我多與汝金。否則殺汝。毛氏曰。寧剖我心。

不願汝金。賊以刀磨其身。毛氏大罵。聲不絕口。賊怒。遂刳

其腸而去。聞者哀之。元史列女傳毛氏周姓。婦松陽人。年二十九。松陽縣今屬浙江處州府。

論曰。此皆不幸。慘被寇掠。挺身就刃者也。梁氏計脫其夫。

可謂智矣。劉與毛大聲罵賊。不過欲借彼賊刀。流芳千載。

文學卷二

耳。人生百年。總有一死。如此而死。為得死所。不然。則狗彘

之不若也。狗彘亦終必死。何世人之貪生。敗節。願為狗彘

悲夫。悲夫之。夫音扶。

不願賣右第八十五章。是手刃大罵。聲不絕口。賊怒。遂刳

明章節婦金氏女也。許配樂清章文寶。未成婚。納妾包

氏有娠。而文寶病且死。金氏固請往視之一見。而文寶卒。

金撫妾治喪。固守不嫁。妾生子綸。金親教以讀書。通大義。

復遣就外傅。綸成進士。金氏作詩見志。其詞曰。誰云妾無

夫。猶及見夫。夫方殂。誰云妾無子。側室生兒。與夫似。兒讀

書妾辟纊空房夜夜聞啼鳥兒能成名妾不嫁良人瞑目

黃泉下復扶又切○浙江通志列女卷十四原文第云某氏又見全浙詩話作邵氏綸字大經官至禮部侍郎詳明史本傳樂清

今浙江温州府屬縣論曰金氏未歸文寶則猶未成婦也

以煢煢寡女為人撫妾字孤至於有成尤守貞之僅見者

也天鑒奇節子克顯揚見志一詩傳之千秋不朽矣為去聲

右第八十六章以上守節之德

○吳孫翊為丹陽守媯覽時為都督與郡丞戴員及翊左

右邊洪謀殺翊會翊送客洪從後殺之迸走入山翊妻徐

氏購募追捕得洪殺之覽遂入軍府悉取翊嬪妾及左右

女學卷二

侍御徐氏有姿色覽欲并取之徐恐不從見害乃偽曰乞

須晦日設祭除服乃可覽從之徐潛使人語翊舊將孫高

傅嬰等高嬰相與涕泣共誓合謀至晦日徐氏設祭訖乃

除服薰香沐浴更於他室安施帷帳言笑歡悅覽密覘無

復疑意徐先召高嬰與諸婢伏於戶內覽入徐大呼高嬰

俱出共殺覽餘人就外殺員徐乃還衰絰奉覽員首祭翊

舉軍震駭以為神守去聲媯音規迸并將俱去聲○三國志吳宗室孫韶傳注翊字叔弼權弟時

年二十餘丹陽郡今安徽甯國府宣城縣治論曰殺其夫而取其妻此仇可一

刻不報哉徐氏既能全節又復夫仇可謂貞且智矣巾幗

中之英雄豪傑也

右第八十七章禮曰父之仇弗與共戴天婦人事夫終身不改喪必三年則猶之乎父也不幸變生意外父爲人所殺無兄弟可以復仇身雖女子義不容已矣夫見殺妻復仇正也剗刃仇人之胷卽以一死償之亦足含笑九原流芳千古況且未必死乎明盛之朝以忠孝節義教天下固有飲泣殺賊反得表閭宥罪者奇行偉人不可磨滅述復仇之德自此以下凡五章

已音以剗音恣朝音潮行去聲

女學卷二

三

○長樂申屠氏慕孟光之爲人自名希光有詩才旣適侯官秀才董昌絕不復吟食貧作苦寔如也郡中大豪方六一聞希光美心悅之乃使人誣昌重罪罪至族六一復陽爲居間得輕比獨昌被殺妻子俱免因使侍者通殷勤強委禽焉希光具知其謀謬許之密寄其孤於昌之友人乃求利七首挾以往好言謝六一因請葬夫而後成禮六一大喜使人以禮葬昌希光則僞爲色喜豔粧入室六一旣至卽以匕首刺之帳中六一立死因復殺其侍者二人至夜中詐爲六一暴病以次呼其家人至則皆殺之盡滅其

宗因斬六一頭置囊中。至昌墓所祭之。明日悉召村民告以故。且曰：吾將從夫地下。遂縊而死。時靖康二年也。樂音洛七

音彼復扶又切。長樂侯官俱今福建福州府附郭縣。靖康宋欽宗年號。論曰：申屠氏為夫報仇。手刃六一全家。千古大快也。徧告村民。從夫地下。心事如青天白日。非蓋世英雄。何以能若此哉。為去聲

○梁襄州都軍務周景溫移職於徐。有勁僕自恃拳勇。獨與妻策驢而行。至芒碭澤間。大言曰：聞此素多豪客。何無一人與吾決勝負乎。言畢。有五六盜自叢薄間躍出一夫。

○自後雙手交抱。搏而仆之。抽短刀以斷其喉。蓋掩其不備也。僕妻在側。殊無驚駭。但矯而大呼曰：快哉。今日方雪吾之恥也。吾本良家之子。遭其俘掠。以至於斯。孰謂無神明哉。賊謂其誠而不殺。與行李併二驢驅以南邁。近五六十里。至亳之北界。達孤莊南而息焉。莊之門有器甲。蓋近戍巡警之卒也。此婦遂徑入村人之中堂。盜亦謂其謀食。不疑。婦乃泣拜其總首。且告其夫遭屠之狀。總首潛召其徒。

一時執縛械送亳城。咸棄市。婦返襄陽。為尼終焉。碭音蕩。斷都管。

切戍去聲。○亦載呂氏聞範事。同文異。芒碭山名。在今江蘇徐州府碭山縣東。亳。今安徽潁州府亳州。襄陽。今湖北

文學卷二

襄陽府  
襄陽縣

論曰。此之報仇。抑亦難矣。中途被劫。羣盜殺夫。覆

巢之下。甯有完卵。非僕妻急智。詐快大呼。頸血已污。賊刃

雖欲報仇得乎。從容觀變。頃刻執縛。賊乃知爲所賣。已懸

首市。曹無及矣。嗚呼快哉。已俱音以。從音聰。

右第八十九章

○唐豫章謝小娥。八歲喪母。嫁厯陽段氏。父與夫家。常同

舟貿易江湖間。小娥年十四。父與夫皆爲劫盜所殺。小娥

亦被傷墜水。爲他船所獲。依妙果寺。尼夢父謂曰。殺我者

車中猿。門東草。又夢夫謂曰。殺我者。禾中走。一日夫小娥

女學卷二

二

不能解。常書此語。廣求智者辨之。歷年不得。至元和八年。

李公佐罷江西從事。泊舟建業。登瓦官寺閣。僧齊物爲李

述之。李憑檻書空。忽有所悟。令寺童疾召小娥。謂之曰。殺

汝父者。申蘭。殺汝夫者。申春也。其曰車中猿者。車字之中

乃申字。申非屬猴乎。草下有門。門中有東。蘭字也。禾中走

是穿田過。亦申字。一日夫者。夫上更一畫。下一日是春字。

其爲申蘭申春明矣。小娥慟哭再拜。密書四字於衣。誓訪

二賊以報其冤。更爲男子服。備保江湖間。歲餘。至潯陽郡。

見紙榜子招傭者。娥應召。問其主。果申蘭也。娥心憤貌順。

在蘭左右。甚見親愛。金帛出入之數。無不委之。每覩謝之衣物器具。未嘗不暗泣。蘭與春。宗昆弟也。春家在大江北。獨樹浦。往來密洽。一日春攜大鯉兼酒詣蘭。至夕羣盜畢至。酣飲既去。春沈醉。臥於內室。蘭亦覆寢於庭。小娥潛鎖春於內。抽佩刀先斷蘭首。呼號隣人。並至擒春於內。獲賊貨數千萬。初蘭春有黨數十人。暗記其名。悉擒就戮。時潯陽太守張公嘉其孝節焉。小娥遂爲尼。以老。喪去聲。號平聲。賊音臧。守

文學卷二

三

陽今江西九江府德化縣論曰。娥無親屬。賊無名姓。此之報仇。抑又難矣。因夢而得名。傭保而得賊。至誠所感。天亦憐之。使成其志。亦可見殺人者死。申蘭申春。終無所逃於宇宙之外也。若小娥之孝節。豈待言而著哉。

右第九十章

○漢龐涓母趙氏女也。字娥。娥幼時。父爲同縣人所殺。而娥兄弟三人俱物故。譬乃喜而自負。以爲莫已報也。娥陰懷感憤。潛備刀兵。常帷車以候譬家。十餘年不能得。後卒遇於都亭。刺殺之。因詣縣自首。曰。父仇已報。請就刑戮。福

祿長尹嘉義之。欲與解罪。娥不肯。曰：怨塞身死，妾之明分。

結罪理獄。君之常理。何敢偷生。以枉公法乎。自入於獄。遇

赦得免。州郡表其閭焉。節○首去聲。長上聲。分去聲。○後漢書列女傳。娥酒泉人。酒泉郡福

祿縣。俱今甘肅。肅州。又見三國志。涓作涓娥。一作娥親。隋孝女王舜。趙郡人也。父子

春為從兄長忻所殺。舜時甫七歲。與二妹寄食親戚家。既

長不嫁。潛謂二妹曰：父為讐所賊。無兄弟可復仇。雖女子

容得已乎。吾義不生矣。二妹皆垂泣請從。長忻方夜坐。舜

與妹持刀入。殺之。告父墓。自詣吏請罪。文帝義之。貸焉。節

從兄之從去聲。既長之長上聲。已音以。○隋書列女傳。舜二妹一名粲。一名璠。姊妹爭為謀。首州縣不能決。文帝聞

文學卷二

七

而嘉歎。趙郡東漢女玉者。陳留緱氏女也。報父讐殺人。吏

執以告。外黃令梁配欲論殺之。諸生申屠蟠進曰：王之節

足勵。忍辱無恥之子孫。即不幸。猶當表閭旌墓。況在清聽。

可無哀矜乎。配感動得減死。節○後漢書申屠蟠傳。陳留郡今河南開封府。陳留縣外

黃今開封府。杞縣境。唐孝女衛無忌。絳州人也。年六歲。父為鄉人衛

長則所殺。無兄弟。母改適。欲報仇。無由也。會從父宴客。長

則時在坐。無忌以鬢擊其首。殺之。自詣吏請死。巡察使以

聞。太宗命給驛徒雍州。賜田宅。勅州縣禮嫁之。從去聲。使

唐書列女傳。文並大同。絳州夏縣人。巡察使即黃門侍郎。褚遂良也。絳州今隸山西。省夏縣今屬山西。解州論

曰此皆爲父復仇者也。自分一死而皆得免死。天之所以報孝女也。人有一念之孝。天必鑒之。雖殺人大罪。官亦義之。孝之功用大矣哉。爲去聲。分去聲。

右第九十一章。以上復仇之德。

文學卷二

天



右第九十一章

孝女之世。凡大義。皆由孝女而起。

孝女之世。凡大義。皆由孝女而起。人亦當效之。

文學卷二 終



女學卷三

漳浦藍鼎元玉霖編

婦德篇下

○內則曰凡生子擇於諸母與可者必求其寬裕慈惠溫  
良恭敬慎而寡言者使爲子師子能食食教以右手能言  
男唯女俞男鞶革女鞶絲六年教之數與方名七年男女  
不同席不共食八年出入門戶及卽席飲食必後長者始  
教之讓九年教之數日十年出就外傅居宿於外學書計  
衣不帛襦袴禮帥初朝夕學幼儀請肄簡諒十有三年學

女學卷三

一

樂誦詩舞勺成童舞象學射御二十而冠始學禮可以衣  
裘帛舞大夏惇行孝悌博學不教內而不出三十而有室  
始理男事博學無方孫友視志四十始仕方物出謀發慮  
道合則服從不可則去五十命爲大夫服官政七十致事  
凡男拜尙左手子能食食上如字下音嗣唯上聲長上聲  
帥音率冠去聲衣裘帛之衣去聲孫去聲

○禮記  
第十二

右第九十二章人子少時與母最親舉動善惡父  
或不能知母則無不知之故母教尤切不可專事  
慈愛釀成桀驁以幾於敗也語云慈母有敗子蘇

氏曰愛而勿勞禽犢之愛古來徒舍斷織和熊畫  
荻皆自其少時慎之甚至宦達猶加箠楚終身無  
姑息焉述教子之德自此以下凡十章少俱去聲  
驚音傲斷

都管切

○顏氏家訓曰古者聖王有胎教之法凡庶縱不能爾當  
於嬰稚便加教誨使爲則爲使止則止比及數歲可省笞  
罰父母威嚴而有慈則子女畏慎而生孝矣吾見世間無  
教而有愛每不能然飲食運爲恣其所欲宜誠反獎應訶  
反笑至有識知謂法當耳驕慢已習方復制之捶撻至死

女學卷三

二

而無威忿怒日隆而增怨逮於成長終爲敗德孔子云少  
成若天性習慣如自然是也諺曰教婦初來教子嬰孩誠  
哉斯語節○比去聲已音  
以長上聲少去聲凡人不能教子女者亦非欲陷  
其罪惡但重於訶怒傷其顏色不忍楚撻慘其肌膚耳當  
以疾病爲論安得不用湯藥鍼艾救之哉又宜思勤訓督  
者可願苛虐於骨肉乎誠不得已也已音以○  
均教子篇

右第九十三章

○孟子之母其舍近墓孟子之少也嬉戲爲墓間之事踊  
躍築埋孟母曰此非所以居子也乃去舍市其嬉戲爲賈

衞孟母曰此非所以居子也乃徙舍學宮之旁其嬉戲乃

設俎豆揖讓進退孟母曰此真可以居子矣遂居之節去

聲賈音古衞音竈列女傳母儀傳孟子幼時問東家殺豬何為母曰欲啖

汝既而悔曰吾聞古有胎教今適有知而欺之是教之不

信也乃買豬肉以食之節食音嗣韓詩外傳卷九孟子既學而歸母

問學所至孟子曰自若也母以刀斷其織曰子之廢學若

吾斷斯織也夫君子學以立名問則廣智是以居則安寧

動則遠害今而廢之是不免於厮役而無以離於禍患也

孟子懼旦夕勤學不息遂成大儒斷都管切夫音扶遠去聲離去聲列女傳母

儀傳又見韓詩外傳

女學卷三

右第九十四章

○晉皇甫謐年三十不好學遊蕩無度嘗得瓜果以供母

母曰孝經云三牲之養猶為不孝汝今年餘二十目不存

教心不入道無以慰我因嘆曰昔孟母三遷以成仁曾父

烹豕以存教豈我居不卜鄰教有所闕何汝魯鈍之甚也

脩身篤行自汝得之於我何有因流涕謐感而好學遂博

極羣書謐音密好俱去聲養去聲鈍音逕行去聲晉書謐本傳謐字士安安定朝那人出後叔父徙居新安所後母任氏曾父烹豕與孟母買豬肉食子事相類見韓非子外儲說左上第三十二朝那今甘肅平涼府平涼

縣境新安今河南  
河南府澠池縣境

右第九十五章

○韓夫人唐柳公綽之妻。仲郢母也。家法嚴肅。儉約為措。紳家楷範。常命粉苦。參黃連。熊膽。和為丸。賜諸子。每永夜習學。舍之以資勤苦。節○楷只駭切○温公家訓事本見新唐書公綽本傳公綽字寬京兆華原人官山南東道節度使檢校左僕射夫人京兆長安人會祖休祖混父舉三代宰相華原今陝西西安府耀州長安今西安府附郭縣韓國夫人鄭氏宋歐陽修之母也。修四歲而孤。鄭氏守節。教育之家貧甚。常以荻畫地學書。修成人舉進士。以直諫貶夷陵。鄭氏言笑自若。曰：吾家故貧賤。吾處之

女學卷三

四

素矣。汝必安之。修後以忠正文學為名宰相。世稱柳母和熊。歐母畫荻。此之謂也。相去聲○畫荻事見宋史修本傳及蘇轍樂城後集歐陽文忠公神道碑貶夷陵語見六一居士集瀧岡阡表修字永叔廬陵人史作永豐人今江西吉安府永豐縣本廬陵縣地分置右第九十六章

○宋程母侯氏。大中公珣之妻。程顥程頤母也。事舅姑。內外聞其孝。大中公禮敬特甚。而母益謙順自牧。雖小事未嘗專。必稟命而後行。治家有法。不嚴而整。恕僕妾之過。惟恐有傷。獨諸子有過。小則詰責。大則請命於大中公。必求其改。而後止。嘗曰：子之所以不肖。皆母蔽其過。則父不知

而無由以正之也。諸子與人爭忿，雖直必責之，曰：「患汝不能屈，不患不能伸耳。」及稍長，使從善師友，雖居貧，子欲延客，則喜而爲之具。故二程夫子俱成大儒。節○珥音嚮，顛長上聲。胡老切，頤音夷。伊川先生曰：「吾母生男六人，所存惟二，亦不姑息。纔數歲，行或跌，家人扶抱，夫人輒呵曰：「汝若安徐，寧致跌乎？食而絮羹，卽叱之曰：「幼求稱欲，長當何如？故頤兄弟生平於衣服飲食無所擇，不惡罵，教使然也。」稱去聲，長上聲。兩節均本伊川文集。上谷郡君家傳：夫人丹徒合道濟女，太原孟縣人。太中公字伯溫，官司農少卿，致仕累轉太中大夫。孟縣今屬山西平定州。

女學卷三

五

右第九十七章

○申國夫人宋呂榮公希哲之母也。性嚴有法，雖甚愛公，然教公事事循蹈規矩。甫十歲，祁寒暑雨，侍立終日，不命之坐，不敢坐也。日必冠帶，以見長者。平居雖甚熱，在父母長者之側，不得去巾襪，縛袴衣服，唯謹。行步出入，無得入茶肆酒肆，市井里巷之語，鄭衛之音，未嘗一經於耳。不正之書，非禮之色，未嘗一接於目。故公德器成就，大異眾人。節○長俱上聲。榮公張夫人待制張昱之之幼女也。最鍾愛，然居常至細微事，教之必有法度。如飲食之類，飯羹許更益魚。

肉不更進也。時張公已爲待制河北都轉運使矣。及夫人嫁呂氏。夫人之母申國夫人姊也。一日來視女。見舍後有鍋釜之類。大不樂。謂申國夫人曰。豈可使小兒輩私作飲食。壞家法耶。其嚴如此。音溫更去聲。已音以。運使之使。去聲。鍋音戈。樂音洛。兩節均本呂氏家訓。又載朱子小學外篇申國夫人及張夫人母均參政魯公宗道女。榮公字原明。徽宗初官光祿少卿。父正獻公。公著。哲宗時宰相。祖文靖公夷簡。仁宗時宰相。壽州人。張昱之。晉陵人。官天章閣待制。魯宗道字貫之。性鯁直。時自爲魚頭參政。亳州譙人。壽州今屬安徽。鳳陽府譙縣。今安徽。潁州府亳州。晉陵今江蘇常州府武進縣。

右第九十八章。

○漢雋不疑爲京兆尹。每行縣錄囚還。其母輒問平反幾

女學卷三

人。不疑多所平反。母喜笑爲飲食言語。否則怒而不食。故

不疑爲吏嚴而不殘。節○反音幡。幾上聲。爲飲食之爲去聲。○漢書雋不疑傳。字曼倩。渤海人。

也。京兆今陝西西安府長安縣境。渤海郡今直隸天津府南皮縣境。隋鄭善果爲魯郡守。每

出聽事。母崔氏於帳後察之。聞剖斷合理。則大悅。賜坐共

食。若行事愆義。或妄嗔怒。則終日不食。蒙袂泣。善果跪牀

下不敢起。母乃訓之曰。吾非怒汝。獨內愧汝家門。汝先君

忠勤清恪。未嘗問所私。身徇國以死。亦望汝副其本心。汝

少而孤。吾寡婦。有慈無威。故使汝懵於禮訓。汝自童子龔

茅土。今位方岳。不思汝先人而墮於公政。內將墜失家風。

以隕世亡爵外將虧天下之法蒙詬戾吾死之日何面目

見汝先人於地下乎善果頓首謝罪請自改乃許之守去

聲少去聲○隋書列女傳崔氏清河人夫鄭誠死王事善

果年數歲襲爵開封縣公善果鄭州滎澤人唐書有傳清

河今直隸廣平府清河縣唐李景讓母鄭氏性嚴明早寡

家貧子幼母自教之三子景讓景溫景莊皆進士及第景

讓在浙西有都押牙迕其意景讓杖之而斃軍中憤怒將

為變景讓方視事母出坐聽事立景讓於庭責之曰天子

付汝以方面國家刑法豈得為汝喜怒之資妄殺無罪之

人乎萬一致一方不寧豈惟上負朝廷使垂年之母銜羞

女學卷三

入地何以見汝先人命左右褫其衣撻其背將佐皆為之

請拜且泣久乃釋之軍中由是遂安押音鴨迕阮古切朝

之將去聲皆為之為去聲○司馬溫公資治通鑑唐武宗

會昌六年景讓字後己并州文水人時為浙西觀察使初

宅後牆陷得錢盈船奴婢喜走告母母往焚香祝之曰吾

聞無勞而獲身之災也天必以先君餘慶矜其貧而賜之

則願諸孤他日學問有成乃其志也此不敢取遽命掩而

築之新唐書本傳事同文異文水今山西太原府屬縣

論曰此皆以官為教者也不疑之母可謂仁矣崔氏涕泣

而道至情激切為子而不墜淚者未之聞也景讓之母不

惟善於教子且免罪焉以平萬軍之怒安將佐之心保家

福國厥功為大有此等賢母而子弟為名臣者鮮矣將去

聲

右第九十九章

○宋陳堯咨精於弧矢。自號小由基。咸平中舉進士。及第。為知制誥。出守荆南。回其母馮氏問曰。汝典名藩。有何異政。對曰。州當孔道。客以堯咨善射。無不嘆服。母怒曰。汝父教汝以忠孝輔國家。今不務善政。異化而專。卒伍一夫之技。豈汝先人之意耶。以杖擊之。金魚墜地。節○王闢之澠水燕談堯咨字嘉謨。閬州閬中人。宋史有傳。吳賀之母教子義方。賀與賓客語。間旁及人短。母聞之怒。客退。答賀至百。所親或解之曰。臧否士之常。當有何過。而答之若是。母太息曰。吾聞愛

女學卷三

八

其女者。必取三復白圭之士妻之。誠全之也。今獨產一子。當使知禮讓。而出言忘親。豈可久之道哉。因泣不食。賀由是恐懼。自敕為名進士。否音鄙。三去聲。妻去聲。○歛汪氏所輯列女傳載此條。云宋吳祥妻謝氏亦見呂氏閩範未詳所出。論曰。子已顯達。而親猶捶楚。可謂嚴矣。然出典名藩。不以忠孝輔國家。安得不杖。好談人短。以許為直。聖賢之所惡。亦覆國亡家之道。安得不答。非此賢母。為二子者殆矣。已音以。好去聲。惡去聲。

右第一百章

○崔氏北魏房景伯母也。景伯為東清河太守。有疑獄。常



先請於母。貝邱婦列其子不孝。景伯爲悲傷。母曰。民未知禮。何足深過。但呼其母子來。令見汝事我。當自改也。乃召其母。與對榻共食。立其子堂下。觀景伯供養者旬日。悔過求還。崔氏曰。面慚耳。此其心未也。徐之。又二十餘日。子叩頭流血。母涕泣乞還。然後聽之。風化大行。守去聲。養去聲。魏書列女傳。清河房愛親。妻同郡崔元孫。女親授子景伯。景先九經。義學行。修明並當世名士。愛親釋幕人屬東清河郡。在今山東濟南府境。

右第百有一章

以上教子之德

○顏氏家訓曰。吉甫賢父也。伯奇孝子也。賢父御孝子。合

女學卷三

九

得終於天性。而後妻閒之。伯奇遂放。曾參婦死。謂其子曰。吾不及吉甫。汝不及伯奇。王駿喪妻。亦謂人曰。我不及曾參。子不如華元。並終身不娶。此等足以爲誠。世間繼母。慘虐孤遺。離閒骨肉。傷心斷腸者。何可勝數。慎之哉。慎之哉。節○妻閒離閒之間。俱去聲。喪去聲。勝平聲。○後娶篇。尹吉甫事見琴操。曾子喪妻不更娶。據韓詩外傳。曰以華元善人也。士駿見漢書本傳。江右不諱庶孽。喪室之後。多以妾媵終家事。疥癬蚊蚋。或未能免。限以大分。故稀鬪鬪之恥。河北恥於側出。不預人流。是以必須重娶。至於三四。母年有少於子者。後母之弟。與前母之兄。衣服飲食。爰及婚宦。貴賤之隔。

俗以爲常。身沒之後。詞訟盈公門。謗辱彰道路。子誣母爲妾。弟黜兄爲傭。播揚先人之長短。以求直己者。往往而有。悲夫。自古姦臣佞妾。以一言陷人者。衆矣。況夫婦之義。曉夕移之。婢僕求容。助相說引。積年累月。安有孝子乎。此不可不畏。喪去聲。啻音芒。分去聲。閱奚逆。切。重平。聲。少去聲。悲夫之夫音扶。後娶篇。

右第百有二章。人生不幸。盛年失配。中饋無主。不得不續娶後妻。以撫幼穉。亦冀母子相安。慈孝和樂。而爲人後妻。往往暴虐前子。甚至讒譖盡惑。致使其父亦遂不慈。古今通患。非一日矣。夫繼母如

女學卷三

母夫之子。卽己之子。原不可以二視。況待己子。雖加嚴酷。人亦諒其無他。待前子稍有謬戾。世將指爲口實。故繼母之道。不可不慎也。述慈愛前子之德。自此以下凡四章。樂音洛。夫繼之夫音扶。

○魏芒卯八子前妻之子五。繼娶孟陽氏。生子三。前子不孝。繼母乃命其子衣服。飲食起居進退。不得與前子齊。前子猶不孝。一日有犯魏王令者。當死。繼母憂戚悲哀。百計救之。人謂繼母前子負汝深矣。何救焉。繼母曰。阿父爲其孤也。使妾爲繼。繼母如母。母不愛其子。可謂慈乎。親其子

而薄前子可謂義乎魏王聞其賢乃赦此子而復其家自

後五子遂為孝子節○為其孤之為去聲○列女傳賢明傳魏安釐王時人母以禮義率導八子

咸為魏大夫卿士芒卯齊人仕於魏一作孟卯見戰國策及淮南子高誘注東漢漢中陳文矩

繼妻李氏字穆姜有二男而前妻四子文矩為安眾令卒

於官四子以母非所生憎毀日積而穆姜慈愛溫仁撫字

益隆衣食資供皆兼倍所生或曰四子不孝甚矣何不別

居以遠之對曰吾方以義相導使自遷善也前妻長子興

疾篤母親調藥膳恩情篤密興疾久乃瘳呼三弟曰母慈

仁出自天授吾兄弟不識恩養禽獸其心過惡深矣遂偕

女學卷三

三弟詣獄陳母之德狀己之過乞就刑辟郡守異其母獨

其家徭許四子以自新後並為良士遠去聲長上聲瘳音抽守去聲○後漢書

列女傳同郡李法之姊也法字伯度南鄭人桓帝時官司隸校尉見華陽國志陳文矩志作程祗疑誤南鄭今陝西

漢中府附郭縣論曰孟陽穆姜能盡繼母之道前子遂化而為孝

何其神也故知天下無不可化之人特我之誠未至耳

右第百有三章

○齊人鬪死於道吏捕殺者遇二子執訊之兄服曰我殺

之弟曰非兄也我也爭不決吏言之相相不能決言之王

王命召其母問焉母泣而對曰殺少者相曰少子人所愛

云殺之何也。母對曰：少者妾子，長者妾夫前妻子也。夫且死，囑妾曰：善視之。妾諾之矣。今許人以諾而不信，殺其兒而活弟，是以私愛廢公義，而欺死者也。子雖痛，可奈何。泣下沾襟，相言於王。王高其義，並赦之，而尊其母，號曰義繼母。節○相俱去聲，少俱去聲，長上聲。秦母者，元秦閨夫繼母。○列女傳節義傳齊宣王時事。秦母者，元秦閨夫繼母。望柴氏也。閨夫病且死，以前妻子為託。柴辛勤紡績，撫之有恩。至正中，晉甯盜作，前子為賊所得，在賊中。官執之，諭死。柴引己子詣官，願以代。次子亦前請曰：從賊者我也，罪何可加於兄。吏疑次子非柴所出，訊他囚知之，乃太息曰：嗟夫，婦不忘夫命，信也。子赴死成母志，仁也。上其事，免之。且旌其門，蠲徭役焉。嗟夫之夫音扶。元史列女傳論曰：晉甯人今雲南雲南府晉甯州。兄弟爭死，孝友已足稱矣。此人情所難，蓋平日感於母教也。繼母願以己子代前子死，尤千古之所難。蓋高義之極者也有此高義，天必鑒之。君相有司必憐之，忍令乃子死乎。固宜其兩全無害，百世流芳不沒哉。已足之已音以，相去聲。

女學卷三

三

右第百有四章

○珠崖二義者，漢珠崖令後妻及其女也。珠崖令死，後妻生子九歲，前妻之女名初者十三歲，相攜扶襯以歸。法攜

珠入關者死。繼母有珠繫臂，棄之。其子拾之，置母鏡奩中。皆不知也。至海關，關吏索之，得珠，曰：「嘻！死矣，誰當坐者？」初，恐母服罪，對曰：「父亡之日，母棄繫臂，初心惜之，取而置之。鏡奩母不知也。繼母亦以爲實，然心憐之，因謂吏曰：『願且待幸，勿劾兒。』兒誠不知也。夫不幸，妾解繫臂，忘而置之。奩中妾當坐。初，固曰：『母哀初孤，而強活之初，當坐。』母曰：『兒但讓耳。』實妾取之，相與涕泣，哽咽。路人莫不下淚。關吏執筆垂泣，不能就一字。乃曰：『吾甯坐之，不忍刑慈母孝女也。』俱遣之去。後乃知其男也。

觀初覲切，奩音廉，強上聲，哽音梗，咽於歇切。列女傳節義傳王照。

女學卷三

三

國補注：令字說也。漢武帝元封元年，立珠崖郡，稱令。則當在後漢時矣。珠崖今廣東瓊州府瓊山縣。論曰：當時一寡母，一幼子，一孤女，必不得已而死於斯三者，奚擇雖聖賢亦必曰：『女耳。』孝哉！初也。其女中之俊傑乎！然非賢繼母極力爭死，初之死無辜，亦可惜者。至情迫切，哀感路人，非此母不能活。此女吾願天下之爲繼母者鑒之。

右第百有五章。以上慈愛前子之德。

○文王后妃德性仁厚。詩人爲之歌麟趾。其詞曰：麟之趾。

振振公子，于嗟麟兮。麟之定，振振公姓，于嗟麟兮。麟之角。

振振公族，于嗟麟兮。爲去聲，振俱音真，定音訂，于俱音吁。詩周南國風。

右第百有六章。末世婦人每多刻薄。能勉於事上。而不能不忽於待下。故或發人細過。自矜明察。或虐使侍婢。無故鞭笞。以狹隘酷烈爲才能。仁厚之風渺矣。書曰。必有忍。其乃有濟。有容。德乃大。脩德獲福。亦天道自然之應也。述仁厚待下之德。自此以下凡四章。

○母師者魯九子之母也。臘日休作。召諸子謂曰。婦人之義。非有大故不出門。但吾父母家幼穉。歲事不理。吾往理之。諸子皆頓首許諾。又召諸婦曰。諸子許我歸視私家。雖

女學卷三

十四

踰正禮。願與少子俱。以備婦人出入之制。諸婦慎守家。吾夕而還。及其既也。天陰。先期至。止於閭外。俟夕乃入。魯大夫怪而問之。母曰。妾不幸早寡。與九子居。臘事禮畢。閒從少子歸視私家。與諸婦孺子期夕而反。妾恐其逸樂醉飽。情所有也。妾反過早。不欲遽入。故止閭外。大夫言於穆公。賜號母師。少俱去聲。閒去聲。樂音洛。列女傳母儀傳。

右第百有七章

○唐榮陽縣太君鄭氏。拾遺元稹母也。寬厚性成。持家二十五年。專用訓誡。去鞭扑。正顏色。以訓諸女。婦女婦輿恪。

如履水。正辭氣以訓諸子孫。子孫愧恥。若撻於市也。婢僕終歲不聞忿爭聲。自童孺以逮成人。曾不識櫃楚。閭門之內。熙若太古。蓋漸於化云。稹音軫。粟古栗字。○白居易長慶集元夫人墓誌銘。稹字微之。河南人。時天下貴姓有五。榮陽鄭氏其一也。唐榮陽縣今屬河南開封府河南今河南府洛陽縣。

### 右第百有八章

○程子之母治家有法。但於婢侍未嘗加以箠楚。或兒女小有呵責。必戒之曰。貴賤雖殊。人則一也。○伊川文集上谷郡君家傳。司馬溫公夫人張氏。嘗夜濯足。婢誤以沸湯沃之。足爲爛。病月餘方已。僅一批其頰而止。平居自奉甚約。及用調親戚無有所吝。已音以。頰音却。調音周。○溫公文集卷八十一。敘清河郡君溫公名光字君實。陝州夏縣人。哲宗元祐初爲相。夫人冀州信都人。禮部尚書存之女。夏縣今屬山西解州信都今直隸冀州治。

### 女學卷三

五

○顏氏家訓曰。吾家巫覡符章。絕於言議。汝曹所見。勿爲妖妄。○治家篇。呂氏童蒙訓曰。巫祝尼媪之類。尤宜疏絕。要以清心省事爲本。○呂氏名本中。字居仁。正獻公公著之。曾孫好問之子。著童蒙訓三卷。詳宋史本傳。今坊刻童蒙訓。此語已佚。蓋非完本。

### 右第百有九章

以上仁厚待下之德。

○右第百有十章。從來婦女多信鬼神。故巫覡尼媪。取利得肆簧口。爲誑誘財物之階。原其心。不過欲求福。

耳。不知死生有命。富貴在天。非神力所能轉移。卽使鬼神有力。亦必福善禍淫。正直是與。豈聽巫尼。諂佞。顛倒人世之是非。以妄加禍福。無是理也。三姑六婆不上門。古人深以垂戒。蓋此輩花言巧語。能移人性情。壞人心術。一被煽惑。無所不至。小則耗斁財物。大則敗辱身名。所當嚴拒禁絕。不可與之相接也。僧道男人。尤非婦女所宜見面。乃婦女凡事避嫌。獨於僧道無所顧畏。甚至結隊成羣。入寺燒香。雜遝嬉遊。不知羞愧。風俗之壞。一至於此。

女學卷三

六

嗚呼痛哉。書曰。作善降之百祥。作不善降之百殃。孔子曰。獲罪於天。無所禱也。述脩正闢邪之德。自

此以下凡六章。

斁音如  
遯音肖

○戰國魏鄴有女巫。以幻術惑眾。每歲與三老廷掾。斂民間數百萬錢。爲河伯娶婦。至期。巫行視人家。女好者。卽聘取洗沐之。爲治新衣。設齋宮河上。張緹絳帷。如嫁女牀席。令女居其中。浮之河。行數十里。乃沒。人家有好女者。恐巫取之。多挈眷逃亡。巫曰。若不爲河伯娶婦。水來漂沒。溺人民矣。西門豹爲鄴令。會長老曰。再娶時。幸告予。予亦往送。



女及期。豹往河上。三老廷掾豪長。皆會觀者數千人。其大巫老女子也。年已七十。女弟子十八。皆衣繒衣。立次。巫後豹曰。呼河伯婦來。卽將女出。帷中視之。顧謂巫祝。三老曰。是女子不好。煩大巫入報河伯。更求好女。後日送之。卽使吏卒共抱大巫投河中。有頃。豹曰。大巫何久也。弟子趣之。復以小巫投河中。有頃。曰。弟子何久也。更使一人趣之。復投一小巫河中。凡投三弟子。豹曰。巫媪女子不能白事。煩三老入白之。復投三老河中。觀者大恐。豹立待良久。欲復使廷掾豪長入視之。皆叩頭破額。血流地。豹乃釋之。自是

女學卷三

七

諸巫逃散。不敢復言爲河伯娶婦。河水亦不漂溺人民。

伯之爲俱去聲。緹音提。長俱上聲。己音以。衣繒上衣。字去聲。趣俱音促。復俱扶又切。○史記滑稽傳。故鄆城在今河南彰德府臨漳縣。○近世妖妄肆行人心不明。婦女惑之尤甚。爲害匪淺。讀此可爽然矣。按宋楊龜山先生時二程粹言述明道先生一事。與此相類。明道守官京兆南山。有石佛放光於頂上。遠近聚觀。男女族集。爲政者畏其神而莫敢止。子使戒其徒曰。我有官守。不能往也。當取其首來觀之耳。自是光遂滅。人亦不復疑也。並見諸弟子所錄。二先生語。謹附識於此。以風世。

右第一百十一章

○漢成帝時。趙飛燕。譖許皇后。班婕妤。呪詛主上。帝怒。廢后處昭臺宮。考問班婕妤。婕妤對曰。妾聞死生有命。富貴

在天脩正尙未蒙福。爲邪欲以何望。使鬼神有知不受不臣之愬。如其無知。愬之何益。故不爲也。帝悅。赦之。賜黃金百斤。健音捷。仔音予。愬同。訴。漢書外戚傳又見列女傳。續辨通傳。健仔左曹越騎。況之女。扶風安陵人。安陵今陝西西安府咸陽縣境。附錄唐德宗時高愬女事。邵經邦宏簡錄云。高彥昭女名姝。姝李納拒命。質彥昭妻子。使守濮陽。建中二年。挈城以歸。納屠其家。時女七歲。母李氏憐其幼。請免死。爲婢女。不肯曰。母兄皆死。何賴。獨生將被刑。兄與母拜四方。以祈神祐。女叱曰。我家以忠義受禍。神豈不知拜之何益。聞父在西嚮。之再拜號哭。就死。德宗聞之。駭歎。詔太常賜諡爲愬。諸儒爭爲之諫。李翱曰。當此之時。天下之爲父母者。聞之莫不欲愬女之爲其子也。天下之爲夫者。聞之莫不欲愬女之爲其室家也。天下之爲女與妻者。聞之莫不欲愬女之行在其身也。向遂推而布之於天下。其誰不從而化焉。雖有逆子。必改行。雖有悍妻。必易心。賞一女而天下勤。亦王化之大端也。余旣悲而嘉

女學卷三

六

之於是作高愬女碑。按愬女之孝烈卓絕千古矣。而其臨命之頃。不拜神而拜父。懷懷正氣。與班婕妤所言。隱然合轍。且得之童叢之年。尤古今奇女子也。新唐書列女傳亦本李文公碑文。而宏簡錄所載尤覺神氣勃勃。千載如生。故參錄之。如此。今世婦女有持齋奉佛而怒然於舅姑父母之尊親者。聞愬女之風。其必知所興起也夫。

右第一百十二章

○唐長孫皇后有疾。太子請奏赦罪人。度人入道。后曰。死生有命。非智力所能移。赦者國之大事。不可數下。道釋異端之教。蠱國病民。皆上素所不爲。奈何以吾一婦人。使上爲所不當爲乎。長上聲。數音朔。唐書后妃傳。

右第一百十三章

○司馬溫公曰。世俗信浮屠誑誘。於始死及七七。百日。期年。再期。除喪。飯僧設道場。或作水陸大會。寫經造像。修建塔廟。云爲死者滅彌天罪惡。必生天堂。不爲者必入地獄。唐廬州刺史李丹與妹書曰。天堂無則已。有則君子登地獄無則已。有則小人入。世人親死而禱浮屠。是不以其親爲君子。而爲積惡有罪之小人也。何待其親之不厚哉。就使其親實積惡有罪。豈賂浮屠所能免。甚者至有傾家破產然後已。與其如此。曷若早賣田營墓而葬之乎。期並音基

女學卷三

九

改遵御纂性理精義中朱子家禮分注錄入期無失作者著書立教之本意也李丹他書作舟今從書儀

右第一百十四章

○劉伯溫曰。浮屠氏設爲禍福之說。亦巧於致人者。人情無不愛其親。而謂冥冥之中。欲加以罪。孰不惻然動心。故中材之人。波馳蟻附。若目見其死者。拘於囹圄。受箠楚而望救。雖有篤行守道之親。則亦支致其罪。以告哀於土偶木俑之前。彼固自以爲孝。而不知其爲大不孝。豈不哀哉。節○行去聲浮屠又謂婦人之育子者。必有犬罪入地獄。故兒女子尤篤信其說。持齋念佛。以致恩於母。劉伯溫曰。吾

不知司是獄者為誰。人必有母。將舍已母而獄人之母。與將并已母而獄之。與獄已母不孝。舍已母而獄人之母。不公不孝。不公俱不可以令。將見羣起而攻之矣。雖有獄。誰與治之。吾知其必無是事也。舍俱音捨。母與之與二與俱平聲。兩節均見誠意伯文集。書劉禹疇行孝傳。後伯温名基。青田人。佐明太祖。定天下。封誠意伯。官至宏文館學士。詳明史本傳。青田縣今屬浙江處州府。論曰。世俗親死無不齋僧拜懺。必使其父母入於地獄。然後以僧援而出之。此不孝之尤。罪不勝誅者也。奸僧惑世誣民。圖舖餽耳。為人子女何忍侮辱父母。以誣佛媚僧。至此極乎。讀是書可以悟矣。勝平聲。

女學卷三

右第十五章

以上脩正闕邪之德

○儀禮云。父送女。命之曰戒。戒之敬之。夙夜無違命。母施衿結帨。曰勉之。敬之。夙夜無違宮事。庶母及門內。施鞶申之以父母之命。命之曰敬恭聽。宗爾父母之言。夙夜無愆。視諸衿鞶。鞶音盤。士昏禮記。闕文。論。婦人。太。諸衿鞶。士昏禮記。闕文。論。婦人。太。

右第十六章 婦德通論也。婦德細行。難更僕數。

至於大端。不外敬慎而已矣。兢兢業業。無非無儀。

自念慮之微。以及事為之著。皆本敬慎之心。以出

之。而無敢一毫放恣焉。則內正其心。淑其身。宜其

家人而家道成矣。述婦德通論。凡五章。行去聲。已音以。

○孔子曰。女及日乎閨門之內。不百里而奔喪。事無擅為。行無獨成。參知而後動。可驗而後言。晝不遊庭。夜行以火。所以正婦德也。○大戴禮記本命篇。及日猶言終日也。

右第一百十七章。

○三國吳趙母嫁女。女臨去。敕之曰。慎勿為好。女曰。不為

好。可為惡耶。母曰。好尚不可為。其況惡乎。節○世說新語。卷十五賢媛原

注桐鄉令東郡虞驤妻。潁川趙氏女也。有文才。作列女傳。解號趙母。吳主孫權赤烏六年卒。東郡今直隸大名府開州。潁川郡今河南開封府禹州。堯淮南子曰。人有嫁其女而教之者。曰。汝

女學卷三

三

為善。善人疾之。對曰。然則當為不善乎。曰。善尚不可為。而

況不善乎。○亦見世說。趙母嫁女條。注中。淮南子。漢淮南王劉安著。今淮南鴻烈解二十一。篇末見此語。

蓋逸文也。論曰。此所謂無非無儀也。知婦道矣。○詩小雅斯于。寢之地。載衣之。裼載弄之。瓦無非。無儀唯酒食是議。無父母詒羅。

右第一百十八章。

○周南桃天之詩曰。桃之夭夭。灼灼其華。之子于歸。宜其

室家。次章曰。桃之夭夭。有蕢其實。之子于歸。宜其家室。三

章曰。桃之夭夭。其葉蓁蓁。之子于歸。宜其家人。天俱平聲。

右第一百十九章。

○張華女史箴曰。婦德尚柔。含章貞吉。婉嫕淑慎。正位居  
室。樊姬感莊。不食鮮禽。衛女矯桓。耳忌和音。志厲義高。而  
二主易心。立熊攀檻。馮媛趨進。夫豈無畏。知死不恡。班女  
有辭。割驩同輦。夫豈無懷。防微慮遠。人咸知飾其容。而莫  
知飾其性。性之不飾。或愆禮正。出其言善。千里應之。苟違  
斯義。同衾以疑。驩不可以黷。寵不可以專。專實生慢。愛極  
則遷。致盈必損。理有固然。故曰。翼翼矜矜。福所以興。靖恭  
自思。榮顯所期。女史司箴。敢告庶姬。嫕音翳。趨同趨。恡音  
吝。夫音扶。昭明文選卷十四。晉書本傳。華字茂先。范陽方城人。惠帝時。位司  
空。封壯武郡公。懼后族之盛。作女史箴以諷。後爲趙王倫

女學卷三

三

所害方城今直隸  
順天府固安縣境

右第百二十章。德者。婦人一生之大本也。爲言爲  
容爲功。必依德以立。故著婦德獨詳焉。譬之車德  
其輪也。車非輪不行。若作室家。則梁棟也。棟折榱  
崩。室不立矣。故婦人有德。則內行克敦。外觀有耀。  
一舉一動。皆足爲模楷。雖奇醜若鍾離春。吾愛之  
敬之。無德而徒有才。其才不足稱也。蔡文姬之詩。  
李易安之文。失節再醮。讀者尤爲齒冷。況於堦垣  
復闢。兄弟啜笑者哉。古來奇才國色。接踵相望。一

失其身。人所賤惡。雖有仙姿慧舌。妙技絕藝。由君子觀之。不過名妓者流耳。張麗貞曰。悔此宵一念之差。嘔心有血。致今日終身之誤。剝面無皮。嗚呼。可不慎哉。述婦德百二十章。皆取其足法。而懲創者不與焉。女子既入學讀書。識道理。於吾言所不盡者。當深思而自得之。以正厥德也。何有內行之行去聲。

易音異。寃音鬼。唾音戲。惡去聲。與去聲。以上婦德通論。

女學卷三

三

